



新編古今姓氏通華韻已集第一卷

臨川布衣洪景脩進可編

游

廣平馮翊

鄭七穆公子偃字子

游

父字

游吉子太叔

游速公孫楚春秋定六年鄭游速帥師滅許

藏書

游雅字伯度北魏中書博士雍州刺史祕書監

游明根字志遠雅從弟於白渠坎為窟室讀書積年魏太

武徵拜散騎常侍奉使宋孝武帝稱其長者迎送加

禮還授兗州刺史清約恭儉歷士五十年致仕為五

更國大政訪焉

游肇字伯始明根字博綜經史魏郡太守政清簡賞罰明

信拜御史中尉繩糾風化不撓貴勢子祥字宗良

游元字楚客周壽春令譙州司馬

游邃慕容虜股肱之臣 北史

游酢字定夫兄醇俱以文行著建寧府進士及第蕭山縣尉僉判泉州召監察御史知濮州舒州濠州和州因家和哲宗徽宗兩朝初受學二程伊川語朱元晦曰游君德器粹然言行之清皎如星日流風韻餘足以師世範俗一日伊尹方瞑目坐游定夫楊中立侍立像晚伊尹覺曰二賢在此日晚且休就舍出門外雪深一尺餘陳正同知建寧立像祠學宮屬朱文公記曰先生遠矣登堂拜像於是記也考師友之淵源詩曰人之好我示我周行又曰高山仰止景行行止朱子曰退訪其書而讀之即公所著易說詩云南義中庸義論語孟子解也知濠州因加歷陽宣和年卒年七十一

游操字存誠酢猶子宣和登科紹興年禮部侍郎居盱江

奉祠卒 宋

游師雄字景叔京兆人擢軍器監與劉舜卿姚兕种誼共

禽兕章克洮州師雄拜陝西運使知秦州陝州 宋

由 由余秦穆公相

郵 臨淄 郵無恤古今人表 郵長清西京雜記

丘 吳興風俗通左丘明裔一云太公封營丘以地氏世居

扶風漢丘俊持節江淮時王奔篡漢俊留江左居吳

興漢複姓三十四

左傳齊籍丘子鋤 梁丘據 閻丘嬰 莒著丘公

渠丘公 以邑氏 晉虔丘書為乘馬御祖氏家記

太中大夫東安於丘淵史記狐丘子林楚苞丘先生

齊桓至麥丘有老人年八十三祝桓公封麥丘齊曼

丘不擇 孟子咸丘蒙列仙傳浮丘伯 梁州刺史
莊丘黑 魯莊公子食米瑕丘 齊勇士菑丘

訢 漢稷丘子 廩丘充穩居齊魯楚將軍何丘寄
楚文王子食米軒丘 周宣王子食米謝丘 漢吾

丘壽王 曹丘先生 侍御史余丘炳 鉅鹿太守
壯丘勝 安丘望之注老子 列仙傳商丘子婿

藝文志桑丘公漢龍丘萇河內太守蛇丘惑 魏刺
史母丘儉 吳陶丘洪 晉雍丘洛 後魏獻帝弟

敦丘氏改丘氏 林丘氏改林氏不在三十四氏之
數 丘仲漢武帝時丘仲始製笛馬融長笛賦笛生

乎大漢廢士丘仲言所由出而不玄妙
丘吾子孔子遊中路見其權鎌席索而哭孔子問之對曰

吾有三失吾少好學周遍天下還而喪吾親一失也

事君驕奢諫不遂二失也厚交友而交絕三失也
孔子曰此足為戒於是弟子辭歸養親者十三人

說苑
丘冠先齊給事中奉使蠕蠕不拜曰能殺我者蠕蠕也

能不以天子之節拜戎狄者丘冠先也遂死節齊
武帝厚賜其子雄雄不受上書言臣父執節如蘇

武守死如谷吉宜書之良史庶萬世之臣爭死社
稷齊書

丘遲字希範父靈鞠仕梁祭酒十年不調曰吾一生作
祭酒不恨也遲八歲能文辟徐州從事梁中書郎

司徒從事中郎中書侍郎鍾嶸評其詩曰丘遲文
采麗逸點綴媚映如落花依草江淹夢張景陽問

取錦曰前寄足錦那得割截如此僅數尺持與丘

遲曰餘此數尺以遺君自是遲詩進而淹文雷遲
詩見文選有輕美承玉輦細草藉龍騎從孫仲孚
遲梁天監初臨川咨議參軍記室

丘仲孚字公信山陰令民謠曰二傳沈劉不如一丘王
儉曰東南之美復見丘生撥繁治劇山陰之政天
下第一梁天監元年自山陰遷長沙內史 梁史

丘巨源蘭陵人舉孝廉遷武昌太守曰古人云寧飲建
業水不食武昌魚改餘杭令

丘和河南洛陽人歷資州涼州蒲州刺史隋大業末裴
矩薦和交趾太守荒服屬心所至稱淳良子 行

恭 隋史

丘行恭善騎射唐太宗討王世充戰北山山下流矢中
上馬行恭以己馬進上自拔流矢回射賊射不虛

鏃又以長刀突陣之以戰功封天水郡公真觀詔
刻石像如拔箭狀立昭陵以旌武功高宗遷大將
軍冀陝刺史卒年八十陪葬昭陵

子神勳唐酷吏 唐本傳

丘為唐詩人居蘇州嘉興事繼母孝有靈芝生堂下官
至右庶子年八十餘其尚無恙韓滉觀察使以致
仕官捧給之為致仕還鄉以壽終年九十六有詩
行世若耶溪詩云經廬若耶裡左右若耶水無日
不釣魚有時向城市

求 求仲見稽康高士傳羊仲求仲漢人以治車為業

挫廉逃名 蔣詡故人

裘 何氏姓苑衛大夫食采裘氏邑因氏焉

仇 宋大夫仇牧後 漢復姓二仇尼氏 章仇大翼

隋人通天文

仇覽一名香字季智陳留人年四十為蒲亭長有陳元母訴不孝香即元家明孝行人倫以教化之元遂為孝子鄉人曰父母何在在我庭化我鳴臬哺所生考城令王奐聞之署香主簿在蒲亭曰陳元不罰而化得無少鷹鷂之志乎香曰以鷹鷂不若鳶鳳奐謝曰枳棘非鳶鳳所栖百里非大賢之路奐以一月俸資香入太學郭泰符融見之林宗拜曰君泰之師非泰友也香學成歸鄉不應徵辟終于家

東漢循吏傳

仇璋為關吏文中子曰君子哉仇璋也比董常則不足方薛收則有餘璋謂薛收曰子聞三有七無乎收曰何也曰無諾責無財怨無專利無苟說無伐善

無棄人無蓄憾問三有曰有慈有儉有不為天下

先文中子魏相篇

仇士良唐右領軍將軍文宗即位士良有功除神策中尉甘露之禍士良魚志弘殺王涯賈餗舒元興等李訓鄭注皆滅族宦官氣勝脅天子下視宰相陵霄朝士武宗時士良以左衛上將軍內侍監致仕其黨送還私第士良教以固權寵之術曰主上不可令間常宜奢靡媮其耳目日新月盛無暇及他事則可得志慎勿使主上讀書親近儒生知前代興亡心憂懼則吾屬踈矣其徒黨拜謝而去通鑑

武宗紀及本傳

優

優孟事楚莊王愛馬死令棺槨大夫禮葬孟曰請以王

禮葬使諸侯皆知大王賤人貴馬王曰柰何對曰
宜以六畜葬壙竈為椁銅鐵為棺齋以姜棗薦以
木蘭祭以稷稻葬於人腹王以馬屬太官孫叔敖
三得相不喜三去相不悔知非己之罪也知憂孟
賢而善之他日見教子負薪優孟因王宴即為孫
叔敖衣冠抵掌談笑前奉酒為壽王驚以為孫叔
復生也孟曰或戒謹勿相楚也叔敖相楚盡忠廉
以治楚國王得以霸今其子無立錐之地負薪于
路王乃封之寢丘四百戶以奉其祀太史公曰孫
叔敖一言而郢市復子產病死鄭民號哭公儀休
見好布而家婦逐石奢從父而死楚昭名立李離
過殺而伏劍晉文以正國法史記太史公曰淳于
髡仰天大笑齊威王橫行優孟搖頭而歌負薪者

以封優旃臨檻疾呼陛楯得以半更不亦偉哉滑
稽傳

優施諂事晉獻公妾驪姬乃語里克妻曰主孟啗我我
教茲暇豫事歌曰暇豫之吾吾不如烏烏人皆集
於苑已獨集於枯晉國語

優旃秦倡侏儒善滑稽然合大道始皇置酒而大雨陛
楯霑旃憑檻曰汝雖長雨中立我雖短幸無濕上
欲廣大苑囿旃曰善冠來令群獸觸乃止二世欲
漆城旃曰善溱城蕩蕩冠來不能上然難作陰室
上笑而止史記滑稽傳

牛隴西 周封微子於宋 牛父為司寇敗狄長丘死
之子孫以王父字氏 秦有牛缺
六國時趙有牛剪

牛崇漢隴西主簿時馬援守羊喜功曹涼土語曰三牲
備具

牛弘字里仁安定人隋舊臣平陳後詔弘祖孝孫許善
心姚崇虞世南參定雅樂弘太常卿遷吏部尚書
僕射封奇章公謚文安憲侯弘有容量其弟弼使
酒醉酤射殺兄家駕車牛弘妻曰叔射殺牛弘曰
作脯不問

牛仙客涇州人初蕭嵩節度使委以軍政仙客迂工部
尚書拜相封豳國公與時浮沈拜涼州節度使蓄
積倉庫節用器械犀銳上悅唐書

牛僧孺字思黯隋僕射奇章公裔元和賢良第一穆宗
擢御史中丞中書侍郎同平章敬宗朝襲封奇章
公武昌節度使再相淮南節度使文宗朝又同平

章初僧孺應制科白樂天翰林為考官及鎮淮南
樂天詩送云北闕到東京風光十六程坐移丞相
閣春入廣陵城紅綬擁雙節白鬚無一莖萬人開
路者百吏立班迎聞外君彌重樽前我亦榮何拘
身自貴將相是門生僧孺未第以文謁韓愈皇甫
湜二公問拍板荅曰樂句遂知名周秦行記真元
初孺下第歸行晚失道入一大宅簾下語曰此漢
薄太后府僧孺曰行夜失道託宿少頃傳呼然獨
太后召見四人侍者曰戚夫人王召君太真妃潘
淑妃問今天子誰對曰代宗長子太真曰沈婆兒
作天子也設宴薄后詩曰寢花宮得奉君至今猶
愧管夫人漢家昔日笙歌地煙草幾經秋復春戚
姬詩自別漢家休楚舞不勻粧粉恨君王無金豈

得迎商叟呂氏何曾畏木強王媯詩雪裡穹廬不見春漢衣已舊淚常新如今尚恨毛延壽枉把丹青誤妾身太真詩金釵墜地別君王紅淚流珠滿御床雲雨馬嵬分散後離宮無復按霓裳潘妃詩秋月春風幾度歸江山猶是鄴宮非東昏昔日蓮花地空想曾拖金縷衣僧孺詩香風引入大羅天月地雲階拜洞仙共道人間惆悵事不知今夕是何年旁有吹笛女曰石家綠珠后問今夕誰伴相公戚姬曰如意長成敢辭潘妃曰誓不負東昏敢辭太真曰今代天子在敢辭綠珠曰石太尉性嚴敢辭后曰昭君單于婦胡鬼何能為送入昭君院天未明侍兒催起遣朱衣更秉燭送至大安西道天方明問其地無人居惟漢薄太后廟

僧孺治第宅洛陽居仁里多致嘉木美石賓客娛樂拜山南東道節度使上賜彝罇龍勺詔曰精君古器比况君子君宜少留固請行

牛徽父蔚右僕射致仕徽及進士第遷吏部侍郎乾符年選法濫歲調四千員徽治以剛明柅杜于請法度復振蔚避地梁州道病徽與子扶藍輿歷劍閣遇盜擊其首血流面持輿不置盜迫之徽拜曰人皆有父今親老疾幸勿駭以寧吾親盜舍之至前谷又遇盜相語曰此孝子也亦舍之以帛裹瘡以饘飲奉蔚信宿至梁徽趨謁行在丐歸侍疾拜諫議大夫固辭見宰相杜讓能曰上下幸當從親疾當侍金徽兄在朝敢乞身求醫徽兄循時給事中徽得旨侍親蔚喪客梁漢終喪召除中書舍人給

事中刑部尚書襲封奇章男致仕歸樊川卒唐

牛蔚字太章牛叢字表齡僧孺二子叢司勳員外郎睦州刺史

牛堪舉明經韓愈送之序

牛哀淮南子曰牛哀病七日而化為虎不自知其虎也

牛存節字贊正青州人初從河陽諸葛爽爽卒存節曰

天下洶洶當得英雄事之歸梁太祖以戰功拜宿

州亳州刺史卒贈太師

牛嶠唐給事中與溫庭筠有詩詞

牛希濟唐學士有樂府花間集

秋 秋胡子列女傳魯秋胡絜婦者秋胡子納為妻五

日去而宦于陳五年而歸未至家見道傍美婦人

方采桑悅之曰 曰吾有金願以與夫人婦曰嘻

吾采桑奉親不願人之金秋胡子歸奉金於母其

母召婦至即采桑婦也婦曰束髮脩身辭親往仕

五年而歸當見親戚乃悅路傍婦人而以金子之

是忘其母不孝也妾不忍見不孝之人遂去自投

河死顏延年秋胡詩見文選

秋當宋中書舍人

脩 天水 脩炳漢屯騎校尉

留 會稽 毛詩留子嗟 留子國 漢功臣表疆圉候

留 聃 衛大夫留村人漢末避地徙會稽東陽為

郡豪族

留贊吳左將軍 三國吳志

留從效仕閩泉州指揮使請王繼勳為刺史南唐攻建

從效送繼勳金陵李璟建泉州為清源軍授從效

鄖度使漳泉觀察使從效天性勤儉知人疾苦好
賓客論談古今封鄂國公宋初上表入貢太祖厚
賜之卒贈太尉靈州都督從效無子以兄從願子
紹錡紹鎡為嗣六世孫正字仲至

留正字仲至遊學惠州守窮無愠色力學自克處士徐
實以女妻之因家焉紹興三十年進士及第授陽
春尉清海軍僉判以龔茂良薦知循州虞允文薦
于朝孝宗召對超迁至禮部尚書歷會稽章工豫
章全蜀太守召還西府拜相進少保封國公四
子 元剛博學宏詞

劉

彭城	沛國	弘農	中山	梁郡	頓丘
南陽	東平	東莞	平原	廣陵	臨淮
琅邪	東海	蘭陵	丹陽	宣城	南郡

高平 高堂 高密 竟陵 長沙 河間

河南 凡二十五望 惟河南為北魏姓河南官
氏志獨孤氏改劉氏初陶唐氏封劉有劉累夏后
御龍氏後為范氏在商為豕鬻氏周為唐杜氏杜
伯子隰叔奔晉為士氏士會自晉適秦晉人復之
其處秦者為劉氏 士季子食采劉劉康公春秋

宣公十五年劉定公 劉獻公摯昭二十二年

劉文公蚤又名卷 獻公子合諸侯召陵以伐楚

劉栢公定七年傳 劉子 單子世輔周士會裔

徙豐沛漢高帝起沛中其後婁敬齊人漢賜姓劉

號奉春君

劉德字路漢宣麒麟閣功臣父辟強字少卿通詩漢武
帝召見甘泉宮上曰千里駒也子 更生

劉向字子正

一名更生擢諫議大夫與王褒等獻賦頌

上方向神仙方術更生獻淮南枕中鴻寶苑祕言
神仙使鬼為金及鄒衍重道延命初莫之見向父
德治淮南獄得之上令尚方試不驗下吏欲誅向
向兄陽城侯上書獲免詔徵受穀梁春秋講五經
石渠以蕭之周堪薦為散騎宗正校書天祿閣有
老人夜植青藜杖叩門見向方暗誦乃吹藜杖端
烟然燈曰我太一之精天帝聞卯金子博學令我
下觀乃出懷中竹簡天文地理書授之而去向遂
通洪範五行之學居大夫官前後三十年向著新
序說苑五十篇列女傳八篇三子長子伋以易經
教授官郡太守次子賜九卿丞少子歆
劉歆字子駿成帝詔向歆校祕書講六藝諸子詩賦方

術擢中壘校尉繼父職集郡書為七畧一輯畧六
藝畧諸子畧詩賦畧兵書畧數術畧方技畧凡書
三十八種五百九十六家一萬三千二百六十九
卷敘諸子分九流曰儒曰道曰陰陽曰法曰名曰
墨曰縱橫曰雜曰農王莽篡漢歆為國師子棻女
愔俱誅死君子曰求忠臣於孝子之門歆事父未
見不孝之迹然父向抑王崇劉而歆力贊王氏歆
議論與父異矣為莽所誅乃天道也不善者可不
懼乎漢書

劉輔河間宗室擢諫議大夫成帝歆立趙婕妤為后
輔上疏曰里語云腐木不可為柱卑人不可為主
書奏上命御史縛輔係祕獄辛慶吉上書言輔公
族列諫官新從下土來未知朝廷之體不足深過

乃減死論為鬼薪

劉屈氂中山靖王子武帝朝拜左丞相西漢本傳

劉寬字文饒南陽太守三歷郡自東海相召為尚書令
溫仁多恕倉卒未嘗疾言遽色吏民有過但用蒲
鞭示辱而已其妻欲試令怒當盛服將朝使侍婢
捧肉羹覆浣朝衣寬神色不變徐徐問曰羹爛汝
手不桓帝紀

劉植驍騎將軍昌成侯雲臺功臣

劉隆字伯元南陽宗室光武討虜將軍封長平侯驃騎
將軍慎侯雲臺功臣

劉平弟仲死更始之亂平扶其母逃難仲遺腹女一歲
平棄已子而抱仲女母欲并取之平曰力不能兩
活仲不可絕類捨其子而去平拜全林長桓帝紀

劉寵字祖崇會稽太守郡大治徵為將作大匠山陰縣

五六老人自若耶山谷間出人持百錢送太守

寵曰父老何自苦對曰明府下車狗不夜吠民不見

吏今故奉送寵曰吾政何能及公言每人選一大

錢受之遷官清約省素栢帝朝拜司空者再漢循

吏傳

劉昆江陵令連年火災昆向火叩頭乞降雨止風反火

遷弘農太守郡多虎道不通昆為政三年虎負子

渡河光武徵為光祿勳詔聞在江陵反風滅火守

弘農虎負子渡河何德政對曰偶然耳上曰長者

之言也令書之策漢傳

劉方襄城令章帝詔曰安靜之吏悃悃無華日計不足

月計有餘漢

劉陶為順陽長以病去官百姓歌曰悒然不樂思我劉君何時復來安此下人初宦者趙忠僭用玉匣葬父相帝詔朱穆按驗穆發墓剖棺徵穆詣廷尉太學生劉陶等千餘人上書遂赦穆永壽元年陶上書論李膺朱穆履正清平宜還本朝朝廷欲鑄大錢陶上書言當今憂不在貨在乎民飢使少磔化為黃金瓦石化為和玉百姓渴無以飲飢無以食羲黃之純德唐虞之文明恐不能保此蕭牆之內也拜京兆尹諫議大夫侍中每事切諫漢書

劉繇字正禮兄岱字山公陶丘洪薦於州刺史刺史曰前舉山公柰何復舉正禮洪曰明使君用山公於前擢正禮於後是行一龍於長途騁騏驎於千里二公今廟食洪州城東劉城漢

劉焉漢大常建言四方寇亂由刺史威輕宜置州牧灵帝以為益州牧劉虞為幽州牧天下州牧之任重自此始漢

劉表字景升荆州牧初王燦依表後登江陵城樓作思歸賦劉備奔荆州曹操擊烏桓語諸將曰劉備必勸表襲許郭嘉曰劉表坐談客耳表作呼膺臺表卒子琮降曹操

劉璋益州牧遣法正將四千人迎劉備正因說備取益州龐統曰今日不取終為人利備將數萬入益州至巴郡太守嚴顏曰此所謂獨坐窮山放虎自衛者也漢

劉禎字公幹東平人北海徐幹偉長山陽王粲仲宣汝南應瑒德璉廣陵陳琳孔璋魯國孔融文舉陳留

阮瑤元瑜稱建安七子

劉巴字子初拜尚書令蜀志

劉琰字威碩風流儒雅拜車騎將軍其侍妾曉音樂又

悉教誦魯靈光殿賦

劉峻漢明帝封陽城侯出家為僧濟陽婦人阿潘出家

為尼此中國僧尼自劉潘二人始

劉劭字孔才散騎侍郎受詔作皇覽徒陳留太守以夏

侯會薦之曰性實之士服其和平真良清靜之士

慕其玄虛退讓文學之士嘉其推步詳密文章之

士愛其著論屬辭允為朝廷奇器輔翼謀謨帷幄

又作都官考課七十二條

劉備字玄德初為平原相徐州陶謙疾篤命別駕糜竺

迎備領徐州牧袁術爭徐州術約呂布襲下邳虜

備妻子備降布為豫州刺史布又攻備敗歸曹操

操以為豫州刺史荀彧勸圖備郭嘉曰備英雄以

窮歸已言之則智士自疑操乃益兵糧使收兵圖

呂布布與袁術遣高順攻破沛城虜備妻子備單

身歸操操擊布布降於操將軍董承稱承帝衣帶

中詔與備同謀誅操操從容謂備曰天下英雄唯

使君與操耳本初之徒不足數也備方食失匕著

值天雷震曰迅雷風烈必變良有以也操遣備邀

術而程昱郭嘉董昭皆諫操悔而追之不及備殺

徐州刺史車胄有眾數萬遣使與袁紹紹連兵操擊

備虜其妻子禽關羽備奔青州歸袁紹紹攻劉延

操北救劉延關羽斬顏良解白馬之圍即拜書辭

操而奔備操敗紹軍建安六年操攻備汝南備奔

劉表荊州數年悲解裡肉生訪士司馬徽曰此有
伏龍鳳雛諸葛孔明龐士元也徐庶曰此人可就
見不可屈致備乃三枉顧草廬因屏人與語亮曰
操擁百萬衆挾天子令諸侯誠不可與爭鋒孫權
有江東三世國險民附賢能為用可為援而不可
圖也荊州北據漢沔利盡南海東連吳會西通巴
蜀用武之國益州險塞沃野千里天府之地若跨
有荆益撫和戎越結好孫權內修政治外觀時變
霸業可成操擊表表卒琮降於操劉備將其衆過
襄陽荊州歸備至當陽有衆十萬輜重數千兩一
日行十餘里別遣關羽乘船會江陵曹操江陵有
軍實恐備捷之操將輕騎五千急追一日一夜行
三百里急當陽長坂備棄妻子走惟諸葛亮張飛

趙雲等十騎雲取備子禪抱之與關羽船得濟沔
遇劉琦衆萬餘到夏口操進軍江陵初魯肅聞劉
表卒請孫權約備撫表衆共治操會備南走肅迎
之當陽長坂問備何至備欲投蒼梧守吳巨肅曰
孫將軍敬賢禮士兵精糧多足以立事為君計莫
若遺復心自結於東備用肅計住鄂縣樊口操自
江陵將順流東下亮曰事急矣請奉命求救於孫
將軍亮與肅俱詣權曰將軍起兵江東劉豫州收
衆漢南與曹操並爭今操芟夷大難畧平遂破荆
州威震四海英雄無用武之地豫州遁逃至此願
將軍量力而處之若能以吳越抗衡宜與操絕不
能則北面事之權曰豫州何不遂事之亮曰田橫
齊壯士耳猶守義不辱况豫州帝胄安能為之下

權曰吾計決矣然豫州新敗安能抗此虜亮曰今
戰士還者關羽水軍精甲萬人劉琦江夏戰士萬
餘操遠來衆疲故追豫州一日一夜行三百餘里
此強弩之末不能穿魯縞者也兵法忌之曰必蹶
上將且北方不習水戰荊州人附操迫兵勢非心
服也今將軍豫州協規同力破操必矣操軍破則
荊吳勢強鼎足之形成矣操遺權書曰近奉辭伐
罪劉琮束手今治水軍八十萬將與將軍會獵於
吳權以示群臣響震失色張昭請迎之魯肅密言
請定大計周瑜曰操名漢相其實漢賊遂以周瑜
程普將兵與備并力逐操備在樊口候望權軍備
單舸見瑜問兵幾何瑜曰三萬備曰恨少瑜曰豫
州但觀瑜破之遇於赤壁瑜將黃蓋詐降順風縱

火燒盡北船延及岸上人馬燒溺死者甚衆瑜等
率輕銳雷鼓大進操引兵從華容道步走劉備周
瑜水陸並進追操至南郡十二月劉備表劉琦為
荊州刺史備徇武陵長沙桂陽零陵四郡周瑜攻
曹仁仁走瑜據江陵會劉琦卒權以備領荊州牧
權以妹妻之才捷剛猛有諸兄風侍婢百餘人帶
刀侍力備入內心常凜凜備自詣權求都督荊州
瑜疏曰備梟雄之姿有關羽張飛熊虎之將蛟龍
得雲雨恐非池中物也備還聞之曰智謀之士所
見畧同孔明諫勿行亦慮此也益州劉璋遣張松
致敬於操楊脩白操辟松操不納松怨歸勸璋絕
操十六年松與法正奉璋命以兵四千迎備法正
說備取益州備疑未決龐統曰遂取順守古人所

貴今日不取終為人利備留孔明關羽守荊州趙雲留營司馬備自將數萬人益州備駿馬曰的盧備在南陽夜走檀溪水闊三丈餘備急抱馬鬣呼曰的盧的盧騰身躍過遂免於難

劉毅字希樂與劉裕起兵討桓玄毅拜司隸校尉尚書左僕射魏將軍豫州荊州刺史論晉武帝建官以中正九品有八損毅嘗就庾悅求子鵠炙胡藩勸劉裕取毅云連百萬衆戰必勝攻必取毅固服公至一談一詠自許雄豪搢紳士輻湊歸之恐不為人下裕襲毅敗走投牛牧寺僧僧曰先師昌以為桓蔚為劉衛將軍所殺今實不敢容人毅曰為法自弊乃縊南史

劉毅字仲雄初太守杜恕以為攻曹沙汰郡吏時曰但

聞劉功曹不聞杜府君拜司隸校尉糾正毫右京師肅然守令望風解印綬去者甚衆拜尚書左僕射切直不撓朝野且瞻及祖武帝曰失吾名臣生不得三公贈儀同三司子暉字長升正直有父風拜左丞立朝正色三臺肅清晉史

劉弘字季和荊州刺史每與守相手書丁寧款密人皆感悅爭赴之曰得劉公一紙書賢於十部從事

晉懷帝紀

劉馥字元穎揚州刺史建立州治設學校廣屯田陂塘水利子靖廬江太守詔曰卿父昔治此州卿亦可謂克負荷者

劉寔字子真拜吏部侍郎時奔競進取者崇讓論以矯時策拜司空太保太傅懸車告老二十餘年為國

碩老弟智字子方穎川太守真素如兄管輅曰劉穎川兄弟與語使人神思清發夕不暇寐晉武紀

劉頌字子雅同郡四姓時人語曰雷毅蔣魯劉為之祖頌以女嫁臨淮陳矯矯本姓劉出養於姑與訟近親中山劉友笑之訟曰虞舜之後姚虞陳田四姓世婚禮律不禁頌拜廷尉吏部尚書竭誠奉國古之遺直妻元日獻椒花頌見后

劉炳字延明年十四從郭瑀受學瑀有女欲求以快女壻設一座席曰誰坐此席炳奮衣坐曰延明其人也遂嫁炳隱居酒泉郡不應徵辟從學弟子五百人築陸沉觀於西苑號玄處先生

劉琨字越石兄嶼字慶孫俱郭奕外甥京師語曰洛中奕奕慶孫越石東海王越以為左長史時稱越府三才潘滔大才劉輿長才裴邈清才琨祖逖同寢中夜聞鷄鳴因起舞曰此非惡聲也聞召用逖琨曰吾枕戈待旦常恐祖生先我著鞭琨都督幽并冀三州拜大將軍在晉陽為胡騎所圍乃乘月登樓中夜清歎奏胡茄賊聞之疑有備棄圍宵遁慶孫子演兗州刺史

越石子群字公度

劉恢字真長祖宏字終嘏宏兄粹字純嘏弟漢字仲嘏並有名京師語曰洛中雅雅劉有三嘏恢歷官丹陽尹政清門無雜賓時有民訟官長恢曰居下訟上敬道也與許詢友詢字玄度恢每日清風明月恨無玄度

劉殷字長盛至孝曾祖母王氏隆冬思芥殷九歲往澤

中哭勿聞人曰止哭因視地芥生焉一日夢人告所居西籬下有粟覺往掘得粟十五鍾銘曰七年粟百石賜孝子劉殷為養七年方盡劉聰以殷女英娥為貴嬪又納殷孫女四人六劉之寵傾後宮殷拜尚書太保七子其五各授一經一授太史一授漢書晉懷帝紀

劉伶字伯倫嗜酒每出乘鹿車載酒壺使荷鍾隨之曰死即埋其妻曰酒太過非攝生之道伶曰善可具酒肉禱神自誓斷酒妻如命伶祝曰天生劉伶以酒為名一飲一石五斗解醒婦人之言謹不可聽醉中或人攘臂奮拳伶曰鷄肋不足以安尊拳作酒德頌一篇

劉昶字公榮王戎阮籍共飲一酒少不及公戎無恨色

籍曰勝不榮不可不共飲減公榮不敢不共飲惟公榮可不與共飲晉史

北史又一劉昶字休道北魏尚書

劉玄石從中山沽酒酒家予千日酒至家沉酒家人棺歛塋焉酒家計日往視其家曰死葬三年矣酒人曰飲千日酒也急起視樽將醒遂起時人曰玄石飲酒一醉千日晉史

劉牢之字道堅初參謝元軍討苻堅百戰百勝稱北府軍後為王恭部將朝廷以牢之代恭都督拜鎮北將軍討桓玄兵敗縊死子敬宣壻高雅之

劉敬宣字萬壽桓序語牢之曰卿兒家之孝子國之忠臣破慕容超走盧循拜左衛將軍寬厚待士弓馬音律俱善謝混遇敬宣進禮

劉穆之家貧好學從妻兄江氏寄食江有慶事令勿來
穆之往江賓客食畢穆之索賓即江曰賓即消食
君何須此妻母市穀饌餉穆之退及拜丹陽尹命
金盤貯賓即一斛餉江穆之先貧後達性豪奢每
旦具十人饌未嘗獨享穆之拜左射僕內摠朝政
外給軍旅決斷如流賓客輻湊內外咨稟盈達滿
室目覽詞訴手答箋書耳行聽受口並酬應不相
干涉悉皆贍舉又喜賓客談笑彌日裁有餘暇手
自抄書與朱齡石並答書疏於上前旦至日中穆
之答百函齡石答八十函而穆之兼應對賓客劉
裕受晉禪追封穆之南康郡公南史本傳
劉裕彭城人生而母卒父棄之從母乳保至長賣履為
業劉牢之引裕參軍事以數十人遇數賊千裕迎

擊墮岸下賊以長矛擲之裕長刀仰斫登岸劉毅
宣使尋之見裕一人驅賊數千桓玄妻劉氏曰
裕龍行虎步視不凡勸玄除之玄不從裕何無忌
還京口密謀與復劉毅家京口無忌曰天下草澤
中無非英雄惟平昌孟昶妻周氏富貴裕毅昶無忌
起兵周氏傾貲給之無忌夜草檄其母劉視之曰
汝能如何恨裕託言游獵合衆百人詰旦京口
城門啓無忌着傳詔服稱敕使入斬柏脩以狗衆
推裕為盟主都督徐州孟昶為長史守京口玄憂
曰劉裕一世之雄劉毅家無担石之儲呼擄一
擲百萬何無忌酷似其舅共舉大事何謂無成裕
分兵並進東北風急因以火攻煙焰燦天玄敗走
裕入建康迎乘輿玄挾帝走江陵益州督護馮遷

抽刀擊玄玄曰汝何人遷曰殺天子之賊乃斬玄
乘輿反正江陵裕遣奉使通和於秦主姚興且求
南鄉諸郡興許之曰天下之善一也裕起細微誅
栢玄與晉室內釐庶政外脩封疆何惜數郡不以
成其美乎割南鄉順陽新野舞陰等十二郡歸晉
裕伐燕自淮入泗兵過大岷燕兵不出裕舉手指
天曰兵已過險士有必死之心餘糧栖畝人無匱
乏之患裕破燕送慕容超詣建康斬之裕伐秦寧
州獻琥珀枕裕曰琥珀治金創乃碎擣賜征北戰
士裕求九錫詔加揚州牧封十郡為宋公九錫備
遂受晉禪晉封爵皆改惟建始與廬陵始安長沙
康樂五公降爵縣侯以奉王導謝安溫嶠陶侃謝
玄之祀

劉繪字士章宋永明年繪文章後進領袖張融周顒俱
以文名時人曰三人共宅夾清漳張南周北劉中
央子孝綽小字阿士

劉孝綽七歲能文何劉沈謝四人齊名拜祕書丞梁
武帝曰第一官當用第一人張融曰天下文章無
我當阿士並南史宋書

劉孝標名峻博極群書文藻秀出時謂書淫時不見用
作辦命論以寄懷注世說謚玄靜先生梁人

劉義慶封臨川王撰世說新語梁劉孝標注南史宋

劉訐字彥度兄歆俱標致自高劉孝標曰訐超越俗
如半天朱霞歆矯矯出塵如雲中白鶴皆儉歲之
梁稷寒冬之纖纊卜築鍾山以純孝稱謚玄真處
士

劉伯龍仕宋位九卿郡太守貧甚一日將營什一之利忽一鬼在旁撫掌大笑伯龍曰貧固有命豈可為鬼所笑遂止不營

劉伯芻字素芝為刑部侍郎所居里巷有賣餅者早晚謳歌飲酒極樂伯芻問之答曰惟貧以自遣伯芻乃與錢一萬以多其本日取餅以償自此已後其人不復歌又召問之答曰本既多心計愈勞不暇唱渭城矣此所以輟歌之遽也隋唐嘉話

伯芻二子允章字蘊中禮部侍郎國子祭酒
寬夫監察御史

劉元海謂門生曰吾觀書傳鄙隨陸無武絳灌無文道由人弘一物不知君子所恥彼二生遇高帝而不建封侯之業二公屬文帝而不開庠序之教

劉玄明山陰令建康令政稱天下第一傳琰子翮代為令請以舊令尹之政告新令尹玄明日作縣惟日食二升米飯莫飲酒此第一義見傳琰本傳

劉曠平鄉令有異政以理論民訟者皆去迹可羅雀獄中草滿遷臨穎令高穎薦其清名善政為天下第一上優詔擢莒州刺史隋文紀

劉虬字靈預隱居江陵西洲詔徵不起二子之遴之享之遴字思真年十五舉茂才明經太學博士拜南郡太守梁武帝詔曰以卿父母年德俱高今命卿衣錦還鄉以盡榮養之禮

之享字嘉會太學博士代兄南郡太守當世稱大南郡小南郡南史

劉玄佐位司徒其母賢每月自織純一端示不忘其初

劉晨阮肇漢永平年入天台山采藥見山頂有桃取食之又見蔓青菜自山腹流出水上一杯中有胡麻飯粒又過一山見溪畔有二美女呼劉阮曰郎來何晚邀至其家廳館床帳飾以纓絡七寶左右青衣端麗出山羊脯胡麻飯食之甚美設酒饌數仙客捧桃出樂器奏樂來慶女婿劉阮居半月求去歸二女曰令得交接皆宿緣所致又居半年天氣長如春月禽鳥悲鳴二人求歸二女曰罪根未滅使君如此奏仙樂送出至家已無識之者矣問其家皆七世子孫劉阮再入山無路可通續齊諧紀

劉勰字彥和撰文雕龍論古今文體

劉遺民與陶潛潯陽三隱互周姓

劉晝字孔昭通三禮春秋大義作六合賦邢子才曰此

賦似芥駱駝伏而無嫵媚

劉焯字士元初以儒學為州博士舉秀才射策甲科直門下省待顧問

劉炫聰明博學名亞於焯時曰二劉雖數百年博學通儒無出其右者

劉臻字宣摯魏中書侍郎精兩漢書時曰漢聖

劉洞微畫龍於老君殿有夫婦入殿曰子畫善矣特未辨雌雄洞微問其人荅曰角浪凹峭鼻豁目深鱗密鬚尖上壯朱火焰燁者雄龍也角靡浪平目肆鼻直鱗薄鬚圓上下平尾壯於腹者雌龍也言畢振迅出角化二龍升天去

劉綱妻樊氏鬢翠如雲肥白如雪夫婦俱仙女仙傳

劉式之字延叔穆之中子拜宣城淮南太守子瑀

劉瑀字茂琳御史中丞朝士畏其筆端遷右衛將軍其
年位何偃前偃吏部尚書瑀侍中同從郊祀偃車
在前瑀駟在後瑀語偃曰君轡何疾曰牛駿御良
所以疾也偃曰君馬何遲瑀曰騏驥罹羈絆故遲
偃曰何不着鞭使至千里宋書

劉謙之廣州刺史撰晉紀二十卷

劉祥字顯式之孫自著連珠十五首

劉杳字士深博綜群書沈約任昉每有遺忘必咨杳

問捨問杳曰尚書著紫荷囊何所自出杳對曰張

安世傳持橐簪筆事孝武數十年常昭張晏注云

橐囊也簪筆持橐待顧問荷音負荷之荷南史

劉簡之宋武拜太尉咨議子道產雍州刺史襄陽

太守 劉湛字弘仁王華王曇首殷景仁俱侍中

宋文帝曰四賢一時之選宋書

劉獻之訓學者立身百行德義為首隋書

劉勔字伯猷沒 子陵字士操齊東宮官 陵子孺字

季幼七歲能文梁武帝令就御坐作李賦受詔立

成上題其手板曰劉孺洛陽才子拜晉陵太守吏

部尚書 孺弟覽字孝智梁尚書左丞 覽弟遵

孝孝陵

劉苞字孝常悛弟文藻見知侍晏奉詔詠天泉池荷采
菱調曲曜筆成章南史

劉瑱字士溫文藻篆隸丹青名當世齊尚書吏部

劉獻字子珪晉丹陽尹悛六世孫好學該博丹陽尹素

粲召見指公字柳樹曰人云此劉尹時樹每想高

風今見卿世有清德齊高帝召論政乃曰儒者之

言可寶萬世何哉曰上欲以鳳池相處瓞曰素無仕進意自省無廊廟才所願郡丞以養母老拜彭城郡丞謚真簡先生南史

劉氏唐宰相世系二十五望定著姓七房 一彭城

二尉氏 三臨淮 四南陽 五廣平 六丹陽

七南華 有曹州 唐宰相一十二人 彭城滋

文靜瞻 南華晏 尉氏仁軌琢 臨淮禕之

南陽洎 廣平祥道 景先 從一 丹陽鄴

惟河南劉出匈奴漢女嫁冒頓匈奴和親其後貴者從母姓不在七房之列

劉文靜裴寂相善寂晉陽宮監文靜晉陽令同宿夜見城上无火舉烽燧寂歎曰貧賤如此復逢亂離文靜曰時事可知吾二人相得何憂貧賤又曰李世

民豁達類漢高神武似魏祖文靜坐與李密連婚係太原獄世民就省之與議大事封魯國公外孫

張建封

劉政會唐凌烟閣功臣封邢國公 子竒天官侍郎七

世孫崇龜崇魯兄弟俱佐河東節度使鄭從謹幕府唐書

劉仁軌字正則汴州尉氏人初遷給事中按畢正義事

李義府怨之出青州刺史會討百濟仁軌汎海運失船御史袁異式鞠之義府曰君能辦事勿憂無官索語劉曰君與朝廷何人有仇可自為計仁軌曰當官不職國有常刑若自為計以快仇人切所不甘具獄以聞義府乞斬之舍人源直心救免死除名白衣從軍自效與劉仁願鎮百濟立功累遷

大司徒異式不自安仁軌瀝酒曰若念疇昔有如
此觴薦異式為大夫高宗朝戴至德並相稱解事
僕射互戴時裴匪舒營利奏曰賣苑中馬糞可歲
入二十萬緡仁軌曰利則厚矣但天下後世稱唐
家天子賣馬糞非美名匪舒又造鏡殿成上與仁
軌觀之佯驚趨出奏曰天無二日民無二主今臣
見四壁有數天子不祥之甚上今別去鏡

劉長卿開元進士有詩名

劉宴字士安曹州人八歲上東封書獻頌明皇令宰相
張說出題試召入大內六宮爭致之稱曰神童又
舉賢良方正上問正字正德何字對曰天下惟明
字未正肅宗擢字京兆尹戶部侍郎度支鹽鐵使
代宗拜中書門下平章事領東都河南江淮轉運

租庸調鹽鐵常平使按行淮泗達汴入河右循砥
柱夾石至河陰輦洛貽書宰相元載言江汴河渭
所以唐世漕運臣以晏為首變通有無曲盡其妙
募善走者常覘四方物價置遞相望無遠不達每
入朝馬上以鞭筭四方上下自言如見錢流地上
德宗授忠州刺史以楊炎陷之賜死天下寃之唐
本傳

劉蕡字去華幽州人治春秋登科初李郃先及第曰劉
蕡不第我輩登科能不厚顏元和調神策中尉文
宗太和二年舉賢良方正對策馮宿魏其文過漢
晁董宦官嫉蕡直言誣以罪貶柳州司戶

劉訥言唐高宗時撰誹諧集上怒曰六經教人猶恐不
化誹諧鄙說豈輔導之義流振州

劉又放肆佚行有酒殺人亡命遇赦折節讀書從韓愈學詩有冰柱雪車二詩出盧仝孟郊右後持愈金數斤去曰設墓中人所不得也不若與劉子為壽去歸齊魯不知所終

劉訓唐富人也京師春賞牡丹訓曰諸賢未見吾家黑牡丹客問斯語約日來賞至期訓命繫水牛千百頭園中與客往觀榛莽荒蕪中客問花何在訓指牛曰此黑牡丹也

劉榛妻陳氏獻梨花頌曰璇穹周迴三朔肇建青陽散輝澄景載渙美哉靈華爰採愛獻聖容映之永壽於萬

劉禹錫字夢得系中山真元進士博學宏詞柳宗元同榜順宗永真初王叔文引禹錫宗元議事禁中擢

屯田員外郎與王邕叔文並稱二王柳憲宗立貶郎州司馬作謫九年賦問大鈞賦元和十年詔補刺史召還作玄都觀詩紫陌紅塵撲面來無人不道看花回玄都觀裡苑千樹盡是劉郎去後栽謫播州刺史裴度奏易夔州和州刺史入主客郎中大中二年題玄觀云真元二十一年此觀未有花是年出連州謫朗州十年召至入言道士種苑滿觀花如晨霞識以詩左遷十有四年入主客郎再至玄都惟兔葵燕麥動搖春風題曰百畝庭中半是苔桃花淨盡菜花開種苑道士今何在前度劉郎又獨來白樂天曰禹錫詩豪云其詩有神護之柳宗元以遺文彙記禹錫編次為序行世禹錫會昌年檢校禮部尚書卒詩與裴度唱和者名

汝洛集與令狐楚唱和者名彭陽集與李德裕唱和者名吳蜀集行世唐

劉曠隋平鄉令臨穎令清名善政天下第一拜莒州刺史史隋循吏傳

劉祥字同壽襲爵歷御史中丞吏部黃門侍郎每奏大獄欬歎不食拜右相在位憂畏唐

子齊賢黃門侍郎脩國史三世至西省者八人前後吏部員郎甚衆

劉德威大理卿綿州刺史百姓立石頌德政閨門寬睦俸祿分宗親

子審礼幼喪母育於祖母元氏及長事祖母元孝疾親煮藥嘗而進元曰兒孝通神明吾一顧念疾即間矣父喪服除宜襲爵乃讓與其弟事繼母尤

孝於祖母再從同居二百口內外無間言第延景

劉延景陝州刺史時曰孝義劉家

劉禘之室希美與孟利貞高智周郭正一文詞並稱劉孟高郭召入禁中論次新書千餘篇高宗與密參時政分宰相權時號北門學士唐書

劉昌裔檢校尚書左僕射龍武軍統軍韓退之作墓志劉巨容山南東道節度使與江西招討曹全最音整合

兵屯荆門拒黃巢自嶺出趨襄陽巨容伏兵林中全最輕騎逆戰賊追之伏兵起大破巢兵乘勝逐北至江陵巢與尚讓渡江東走或勸巨容追賊可盡破也巨容曰國家喜負人不若留賊以為富貴之資於是黃巢復振江東唐僖宗紀

劉幽求中制科閔調中尉誅常廢人參大策號令詔敕

一出其手以功授中書舍人遷吏部拜侍中

劉子玄名知幾兄知柔俱擢進士第武后時用酷吏禍及善人知己作思慎武以刺時中宗除率更令嘗委吳兢撰劉氏家史譜推漢陸終苗裔而非克後按據明審世高其博洽領國史三十年徙官其職如故沒後上命河南就其家抄寫史成進讀上稱善六子 貺 餗 彙 秩 迅 迴

餗字昂卿集賢學士兼史館迴殿中侍御史給事
中江淮轉運

秩字祚卿著政典止戈記至德新議數十篇

迅字捷卿續詩書禮樂五說書成語人曰天下滔滔知我者希終不以人貺字惠卿獻續說苑十篇

劉濞涉書史有才武愛士得人死力撫士卒有收復河湟之志累封彭城郡公

劉昌字公明從張介然討安祿山授易州以三千兵解寧陵之圍守邊十五年身率士卒墾田三年而軍食羨邊障安寧以疾詔赴京師子士經尚雲安公主拜少卿

劉沔字子注父延珍扈德宗奉天以戰功加左驍衛大將軍關虜寇雲州擊之斬却敵以功加金紫光祿大夫賜一子官詔錄李靖平頡利事賜之

劉栖楚拜右拾遺諫敬宗視朝晏數遊畋額叩龍墀血被面拜諫議大夫刑部侍郎京兆尹誅罰不避權豪不閱旬宿姦巨蠹屏迹

劉瞻進士博學宏詞咸通年同平章事上同昌公主卒

懿宗捕太醫韓宗紹等送詔獄逮捕宗族數百人
獄中諫官不敢言瞻奏宗紹窮其術不能効情亦
可矜上柰何愛一女而囚平民數百以取肆暴不
明之謗上大怒貶驩州司戶僖宗立召復中書侍
郎同平章事居位三月卒唐

劉琢字子全拜左拾遺奏罷方士除翰學士書詔夜數
十通下筆遽成言皆允當拜刑部侍郎稟彙敕令
二千八百六十五事名大中刑律統類以聞繇河
南尹進宣武軍節度使初在翰林上命選一吉日
琢曰某日良上曰是日卿可相俄大病加工部尚
書上手疏陳政事居位半歲卒

劉鄴字漢藩左拾遺翰林學士中書舍人能為李德裕
申直其寃叙復官爵當世高其義

劉君良四世同居族兄弟如同產門內斗粟尺帛無私
天下亂鄉裡共依之衆築為堡楊弘基至其居凡
六院共一庖子弟遵禮節 謚表門閭

劉延祐渭南尉治能第一
弟藏器待御史衛尉卿監察御史 子知柔事親
孝廬墓詔築闕表其門拜國子司業工部尚書彭
城縣公致仕給全錄

劉允濟事母孝文章王勃齊名遷著作來魯哀公以後
十二世至戰國作魯後春秋奏上之又奏明堂賦
以述功德

劉仁瞻字守惠南唐武昌軍節度使周兵征淮移清淮
軍節度使鎮壽州世宗攻之不能下及瞻病革不
知人事其副使詐作仁瞻書以城降世宗詔仁瞻

盡忠所事抗節不虧前代明臣幾人可比拜天平
軍節度使命至而卒追封彭城郡王以子崇讚授
懷州刺史賜莊宅南唐主李景聞之贖大師南唐
劉延讓涿州范陽人江州防禦使領寧江軍節度使從
伐蜀秋豪無犯太宗擢右驍衛上將軍卒宋
劉熙古字義淳通史經宋太祖拜左諫議大夫知青州
刑部侍郎開寶年參政戶部尚書致仕宋州寧陵
人明陰陽象緯身通顯自奉養若寒素

劉溫叟字永齡唐功臣政會之裔父岳太常卿曰吾兒
風骨秀異未知其壽今世難未已得為溫洛之叟
足矣名溫叟七歲能文工楷隸建隆年拜御史中
丞一日晚歸過闕上御明德樓溫叟下馬入奏曰
按故事非肆赦不御樓今恐軍民有恩給之望太

祖給內帑三千緡付縣官以自罰溫叟重厚有禮
法事親孝上嘉其清節云子

燁

劉燁字耀卿及進士第天禧年詔建諫官十二員燁首
選右正言歲荐饑河決東郡燁奏請策免宰相又
奏外官兼勸農事而民轉徙汙萊弗闢此考課不
明吏職廢弛以及此昔召信臣守南陽闢田三萬
頃今守宰居位幸遷無意於民宜申明考諫殿最
以督之河北平奏請蠲兩河賦以寬民力又奏請
黜章句篆刻之技崇經學復聘士禮除龍圖閣大
制

劉昌言字禹謨泉州人陳洪範以為功曹趙普留守西
京以為通判委以府事普卒昌言感其知己經理
其家太宗以其忠於所舉召拜樞密或言其委母

妻十年不迎侍詔告論文武官父母遠地並許迎侍就養工部侍郎卒

劉筠字子儀大名府進士召試中書左司諫知制誥知鄧州翰林學士諫議大夫知廬州仁宗召翰林學士御史中丞龍圖閣學士知廬州卒筠景德年居詞翰楊億齊名稱楊劉三入禁林三典貢舉性不苟合政尚簡嚴

劉義叟字仲更澤州人歐陽脩使河東薦其學術擢趙州推官留修唐書義叟強記經史百家國朝典故財賦刑名兵器鍾律樂事星曆數術皆精究以春秋時變異合洪範証應斥古人強合者著書十篇視日月星辰占國家休祥多驗唐書成授崇文院校討官

劉沆字冲之吉州永新人曾祖景洪事楊行沽萬餘所居山有唐牛僧孺讀書堂基乃築聰明臺其母夢牛相公來而生沆以進士起家太常丞集賢右正言知制誥皇祐年工部侍郎政至和年中書門下平章集賢大學士知應天府刑部尚書知陳州卒

劉摯字華老渤海進士禮部奏名第一韓琦薦館閣校勘監察御史奏立監司考績之制除尚書左丞中書門下侍郎奏論人才元祐六年拜右僕射兼中書侍郎卒謚忠肅公壽六十八言行錄

劉庠字希道彭城人幼能詩蔡齊以其子妻之用齊奏補將作監簿太常博士上書言政拜監察御史日食奏罷游晏以祗天戒修仁宗神御殿過制奏

非所以詔先帝儉德奉宸庫失盜劾奏近侍皇城司以嚴宮城之禁奏兩省封駁之任名存實亡御史缺官不補非盛世事神宗拜殿中侍御史右司諫奏中國御戎之策天章待制河南河北運使哲宗加樞密直學士知渭州卒宣仁 后曰帥臣難得庠可惜也

劉正夫字德初衢州進士徽宗除左司諫起居舍人中書禮部侍郎大觀年尚書右丞中書侍郎上殿蔡京紛更命鄭居中太宰正夫少宰以疾卒謚文憲公

劉廷式字得之齊州進士議婚其鄉人未納弊而登科此女喪明農家貧甚或與廷式納其次女式曰豈可負其心竟娶育女蘇式守密州廷式通判其妻

卒廷式喪逾年哀不肯再娶軾曰哀生於愛愛生於色答曰吾知喪吾妻而口若必緣色生愛緣愛生哀色哀愛弛吾哀亦忘凡揚袂倚市目挑心招者皆可妻耶廷式後監太平宮廬山面目奕奕有紫光步上下峻坂往復六十里如飛以壽終

劉嵩字伯高劉嶠字仲高岑字季高東坡賦吳興文人詩劉孝叔諸孫也三高才季官位士大夫能稱之

汪彥章嘗銘仲高墓並宋

劉吉仕江南李煜為承旨入宋供奉官知河渠利害任八作務太平興國河決吉同士卒護之使者至訪吉不獲甚怒吉短布褐自負土先導士卒不敢言使者密訪得之歸奏仁宗厚賜之吉燕薊人忠於李氏每朔望率子弟拜李煜真容宋授崇儀使有

詩三百首名釣鰲集徐鉉為序首云一箭不中鵠
五湖歸釣魚詩話忠義門

劉渙字凝之筠州進士為穎令剛直不屈棄官隱廬山
作騎牛歌曰我騎牛君莫笑世間萬事從吾好自
號西澗先生初歐陽脩同年及第永叔高其節作
廬山高贈之朱熹守南康得故贈尚書劉凝之墓
於城西草棘中惟公清名高節著當時聞後世祭
奠無主建高節亭立門墻限樵牧用永叔語改壯
節亭末

劉恕字道原父渙皇祐初恕試經義講解說書擢第一
英宗詔司馬光編資治通鑑光奏館閣文士多然
精專使學惟和川令劉恕一人召周編脩魏晉以
後事尤詳考正光取次焉恕自撰外紀居母喪未

除而卒 范太史奏官其子義仲字壯輿亦精史
學作通鑑問疑能世其家學

劉安世字器之號元城先生宝文閣待制初哲宗除右
正言劾蔡確章敦黃辰邢恕等妄要定策之功及
敦再相安世落職知南康司馬薦充館職謂光間
居足下問訊不絕光在政府足下獨無書今故相
薦安世面折廷諍當上雷霆之怒赫然執簡却立
天威少霽復前極論觀者流汗悚惕當世目曰上
殿屏居南京杜門不見客然士大夫皆曰過南京
不見劉侍郎如過泗州不見大聖宣和年卒七十
八

劉式字叔度臨江人仕太宗官歷華要長子立本賜進
士出身次子立言立禮登科立德孫敞放靖之清

之俱登科朱文公記云劉清之五世祖工部府君
事太宗十餘年佐邦計身沒家無餘財唯有圖書
數千卷其夫人陳氏指以語諸子曰此乃父之墨
莊也

劉敞字原父臨江人慶曆甲科在西掖一日上封皇子
公主九人敞立馬一揮九制文詞典雅俱有體出
揚州太守翰林歐陽脩作朝中措詞出家樂錢云
向在揚州建平山堂手植柳有觀覽之勝詞曰平
山闌檻倚晴空山色有無中手植堂前細柳別來
幾度春風文章太守揮毫萬字一飲千鍾行樂且
須少傳前者取萊翁一時人謂永叔詞原父之才
允為雙美原父再娶永叔戲曰洞裏新花莫相笑
劉郎今是老劉郎知汝州判留臺御史熙寧元年

卒年五十有公是先生文集初原父使契丹時順
州有獸如馬食虎豹以問公曰此獸名駮如馬鋸
牙契丹服其博物公治長安按大姓范偉不法

劉攽守貢父初通判海陵蘇子瞻送詩曰 阮嗣宗臧

否不掛口休誇舌在齒牙牢是中惟可飲酒醇讀
書不用多作詩不須工海邊無事日日醉夢魂不
到蓬萊宮秋風昨夜入庭樹薄絲未老君先去君
先去幾時回劉郎應白髮桃花開未開貢父題館
壁云壁門金闕倚天開覓覓宮花落井槐明日扁
舟滄海去却從雲氣望蓬萊貢父作芍藥譜二十
四品見事文類聚有公非先生文集

劉光世字平叔延慶次子平方臘寇以功廊延路總管
平章遇寇加檢校太尉紹興寧武節度使陝西五

路宣撫封雍國公奉朝請卒年五十四贈太師謚武僖初入觀奏云錢糧不乏器甲漸足臣官職又超衆人願竭力報國他日史書與中名將書功第一上曰卿不可徒為空言當見之行事朱勝非等曰上御將得其道

劉錡字信叔德順府人紹興年涇原經畧知渭州立戰功加武泰節度使累加太尉紹興三十二年卒

劉韜建州崇安人靖康年死節謚忠顯公孫珙子子羽字彥脩知池州秦州利州路經略知興元鄂州泉州徽猷閣待制

劉珙字共父以忠顯死節恩授承務郎紹興進士端明殿學士樞密觀文殿大學士致仕贈光祿謚忠肅公危言危行有漢汲黯風一時言福建人才如劉

氏父子學淳正而可行氣剛大而有守受學屏山而尊主庇民得於祖父之傳者如此宋言行錄

劉子翬字彥沖號屏山崇安人以道學稱語朱文公曰不遠復吾之三字符

劉季孫字景文父平還慶將元昊寇延州平罵賊死節

季孫恤典入官右班殿直監饒州酒稅王安石持憲節按部見其廳事屏風上有詩風吹燕語落簷間底事驚回夢裡閑說與旁人都不解杖藜携酒看芝山介甫曰詩人也以三詩取三事王韶盧秉劉季孫擢為路分買宅江州蘇子瞻和其登介亭韻誰似劉將軍逸韻謝邊幅千言一揮手五車不再讀監左藏日蘇翰林又次西湖韻云老長身屹兩峯常撞大呂應黃鍾將辭鄴下劉公幹却見雲

間陸士龍

劉逸少蘇州童子年十一其師潘閔携見常州宰王元之吳縣宰羅思純投文贄見二公疑假手因與聯句羅曰無風烟焰直劉曰有月竹陰寒羅曰日移竹影侵棋局劉曰風送花香入酒樽凡十數聯皆不經思元之思純薦于朝賜進士及第宋

劉道紀黃魯直贈之曰曾中崢嶸書萬卷數弄明月江湖間

劉真唐磁州刺史年八十七會昌五年東都履道坊九老會胡果吉叟鄭據盧真張渾白居易洛中遺老李元爽百三十六歲僧如滿年九十五劉真詩垂絲今日幸同筵朱紫居身是大年賞景當知心未退吟詩猶覺力完全閑庭飲人當三月在席揮毫

象七賢山茗煮秋霧碧玉杯斟處彩霞鮮階花笑如歌妓傍竹松聲當管絃雖未學窮生死決人間豈不是神仙

劉几字伯壽宋秘書監致仕年七十五云豐五年洛陽耆英會文彥博富弼司馬光十三人同會劉几詩司徒碩德今無比太尉殊勲固絕倫偶以暮年陪盛晏喜將白髮照青春人公祗有山空著四號當衰志粗伸元老相忘跡迹在不應此會愧前人

第三卷

周 汝南 太山 沛國 廬江 周平王子封汝南

以國氏春秋太宰周公黑肩潁陽 臨川 陳留

河南 後魏河南官氏志獻帝兄 普氏改周氏

周任商太史

周舍好直諫趙簡子曰千羊之皮不如一狐之腋諸大

夫徒聞唯唯不聞周舍之諤諤

周昌敢直言漢御史大夫高帝欲廢太子昌延諍口吃

盛怒曰臣不能言然臣期期不奉詔封汾陰侯

周勃織畚為業又吹簫為人給喪事以材官引強從征

伐爵封絳侯拜太尉誅呂安劉共立文帝拜丞相

就國於絳

周亞夫勃中子封絳侯屯細柳管文帝勞軍不得入傳

天工有詔勞軍軍門都尉曰軍中聞將軍令不聞
天子詔上遣使持節曰天子敬勞將軍亞夫令開
壁上按轡徐驅至軍中亞夫揖曰介冑士不拜請
以軍禮見上改容式車臣真將軍也灞上棘門兒
戲耳景帝擊吳楚條侯軍中夜驚亞夫堅卧不起
敵攻壁東南亞夫使備西北吳楚平入為丞相

周堪字少卿齊人事夏侯勝元帝擢光祿勳

周榮字平孫擢明經劾奏竇憲乃顯名自郎令遷尚書
令山陽太守子興陳忠薦其博物多聞拜尚書郎
後漢

周景豫州刺史河內太守拜司空辟陳蕃別駕不就景
題別駕之輿曰陳仲舉座也

周防自偉公學受尚書舉孝廉明經拜郎中後漢儒林

周紆字文通拜洛陽令下車問大姓吏數閭里豪強對
紆厲聲曰所問者貴戚病民者豈知此賣菜傭乎
貴戚聞之局脊京師肅清拜御史中丞後漢酷吏

周嘉字惠文零陵太守吏民立祠刻石頌遺愛

弟暢字伯持河南尹天旱收瘞客死骸骨萬餘人
天應時注民

周黨字伯况建武中徵不起隱居澠池後漢

周仁任城人以醫術見景帝拜郎中令常衣敝補之衣
故為不脩潔以此得幸入後宮上卧内或上問人
物對曰上自察之無所毀譽廷臣賂遺不受武帝
以其先帝臣重之給二千石祿秩歸老其子孫俱
至大官漢本傳

周舉字宣光京師語曰五經縱橫周宣光舉茂才平丘

令冀州刺史以左雄薦為尚書諫議大夫侍中時
張綱杜喬周舉周栩八使巡行州郡號八俊左雄
薦冀州刺史馮直可將帥周舉劾馮直贓貪雄曰
詔令選武猛不令選清高舉曰詔令選武猛不令
選貪汚雄曰進君自伐也舉曰趙宣子任韓厥為
司馬厥以兵法戮其僕宣子謂諸大夫曰可賀我
矣吾選厥也任其事今君不以舉不才升諸朝不
敢阿君以為君羞不寤君意與宣子殊也雄悅謝
曰吾過也天下賢之拜光祿大夫卒子騶

周騶字巨勝梁冀前後三辟不拜周自騶上至曾祖揚
下至孫恂六世單傳皆知名父舉卒朝廷賜錢十
萬以旌委蛇素絲之節

周燹漢安帝時陳忠薦周燹馮良隱居不仕名重當世
上以玄纁羔弊聘燹宗族勸曰脩德立行以為國
君何為獨守東岡之坡乎荅曰修道者度時而動
動而不時焉得亨乎稱疾而還燹居家非法不言
父子兄弟室家相敬如賓漢本傳

周澤字稚都為太常卧疾齋宮其妻憐其老且病往問
所苦澤大怒以妻犯其齋禁收送詔獄時語曰生
世不階周太常妻一年三百六十日三百五十九
日齋一日不齋醉如泥漢

周福相帝為蠡吾侯受學甘陵周福上即位擢福尚書
諛曰天下規矩房伯武因師獲印周仲進漢

周瑜字公瑾程普曰周公瑾與人交若飲醇酎不覺自
醉孫策以二小喬嫁周瑜年二十四吳人呼周郎
以武肅等以三萬兵破曹操八十萬衆於赤壁文

武籌略人萬之英建獨斷之明出衆人之表精音律歌者字誤輒顧之諺曰曲有誤周郎顧瑜二子循胤

周魴字子魚吳郡舉孝廉寧國長都陽太守畧多請破曹兵斬獲萬計功名宜書竹帛在都十三年恩威並行並三國吳志

周顛字伯仁父浚庾亮曰人以伯仁方樂廣顛曰何乃刻畫無鹽唐突西施顛問亮何所悅而肥亮曰君何憂而瘦顛曰無憂直是清虛日來滓滯日去第嵩醉瞑目曰君才不及弟何橫得重名以燭投之顛徐徐曰阿奴火攻固出下策王導枕其膝指其腹曰此中何所有顛曰此中空洞無物然足容卿等數百人拜僕射有酒失無醒時號三日僕射初

母李氏名絡秀浚妻也生三子顛 嵩 謨 俱顯仕冬至母以酒賜三子曰汝等並貴吾何憂嵩曰伯仁志大才短名重識暗好乘人敵非自全之道嵩姓抗直亦不容於時惟阿奴碌碌莫小字阿奴當在母目前顛為王敦所殺互王導謨丹陽尹晉史

周續鴈門人徙南康詣范甯受學入廬山與陶潛劉遺民稱潯陽三隱

周處字子隱年十八縱情肆欲忤意殺人一日問父老歲豐何不樂荅曰三害未除何樂問三害曰南山白額虎長橋下蛟周處為三害處射虎捕蛟折節讀書為學拜新平太守撫和夷夏雍州賴之徙廣漢太守郡有三十年滯獄一朝決遺拜御史中丞

糾劾貴戚子玘字宣佩舉秀才除議郎吳興太守
玘弟杞

子騶字彥和臨淮太守

周札字宣季元帝授右將軍札兄靖子懋封流亭侯弟
延吳興內使延弟贊封武康縣侯贊弟縉封都鄉
侯次子騶封烏程侯周氏一門五侯並列顯仕
周訪討杜曾未戰設左右甄訪自領中軍令曰一甄敗
鳴六鼓自旦至申兩甄皆敗訪聞鼓聲自選精騎
赴之杜曾大潰斬杜氏將張彥以安豫章及楊行
密兵入豫章周訪子孫避難星飛一家豐城苦竹
一家撫州戰坪

周撫字道和訪子周寤振之家無餘財晉中興名將有
平河洛之志撫強毅有父風遷平西將軍子楚字

元孫進冠軍將軍 楚子瓊拜建武將軍 瓊子

彪字孟威執心忠烈抗符堅不屈節 撫弟光潯

陽太守 光子仲孫寧州刺史

周顥字彥倫隱中山長蔬王儉問山中食顥曰赤菽白
鹽綠葵紫蓼文惠太子問菜何味勝荅曰春初早
韭秋末晚菘應詔出為海鹽令 道過北山孔德
璋作北山移文顥顥之七世孫也子舍

周舍字升逸父顥事佛著三宗論舍若冠舉秀才太學
博士仕梁為鴻臚卿尚書吏部郎居省署二十餘
年拜侍中詹事舍弟子弘正字思行年十五國子
生講易玄學為世所宗陳宣帝拜右僕射侍東宮
講經以德望重

弟弘讓 弘直字思方俱陳太常卿或問三周孰

賢曰蜂腰然

弘直字確博涉經史位都官尚書

周盤龍齊右將軍子奉叔東宮直閣將軍大破北魏兵父子名播北朝遷散騎常侍齊武帝曰卿着貂蟬何如兜鍪盤龍曰此貂蟬正自兜鍪出南史

周興嗣字思纂陳郡項人漢太傅堪後祖凝晉征西府叅軍宜都太子興嗣年十三遊學京師十年通傳記舉秀才桂陽郡丞梁革命奏休平賦梁祖嘉之直華林省河南獻舞馬詔作賦擢散騎直文德壽光省梁祖以三橋舊宅為光宅寺敕興嗣作光宅寺碑凡銅表銘冊文檄皆其手筆敕次韻王羲之千字為文除新安郡丞給事中撰國史臨川郡丞直西省普通卒

周續之字道祖通五經五緯號十經閣居讀老子隱廬

山徵詔不起並南史

周法尚字德邁好兵書隋巴州刺史兵破三鷓叛蠻敗

陳兵拜衡州總管

周允元豫州人武后同平章侍宴詔陳書傳善允元曰耻其君不如堯舜

周興武后酷吏或告興與兵神勳謀逆后詔來俊臣鞠興俊臣方共興推事對食忽得內旨因謂興曰囚或不成以何法興曰甚易以大甕覆囚在中四周炭炙何事不承俊臣索大甕如興法却語興曰有內狀推兄請兄入此甕興叩頭伏罪流嶺表在路仇人殺之唐酷吏

周墀字德升長慶年王起知貢舉墀以木雞賦登科文

宗授學士華州刺史武宗會昌年王起為僕射再
主文衡墀賀曰文場三化魯儒生二十餘年振重
名曾忝木鷄誇羽翼又陪金馬入蓬瀛墀嘗陪僕
射守職內庭王起及門生盧肇等二十有二人和
其詩宣宗拜墀同平章初為節度使辟常澳為判
官及拜相謂澳曰何以相助澳曰願相公無招權
凡官爵賞罰與天下共勿以愛憎喜怒移之天下
自治墀從之

周賀初入浮屠法名清鑒遇姚合令其還俗與賈島齊
名唐史

周德威字鎮遠小字陽五朔州馬邑人望塵知馬步多
少為騎將勇聞天下梁兵圍晉太原募軍中生得
周陽五者賞刺史有陳章號陳夜叉白馬朱甲欲

生致德威德威微服卒伍中生擒陳章破梁兵拜
振武軍節度使梁攻趙城梁兵鎧甲組繡金銀光
采耀日德威曰此汴宋傭敗兒不足畏鎧甲一直
數十千於是士卒爭取大敗梁兵德威拜盧龍節
度使唐明宗贈太尉晉高祖追封燕王子光輔官
刺史五代史

周行逢武陵人周世宗拜武平節度使宋拜中書令在
鎮其夫人不入府治率叛婢耕織自給先期輸賦
稅曰官物也主將不先納何以率下

周起字萬卿淄州進士遷和制誥真宗東封泰山起上
書言天下勢常患恬於安逸忽於兢業除知開封
府仁宗降誕起奏事在廷真宗曰知有喜乎曰不
知也上曰始生子即取金錢賜起除河中府給事

中禮部侍郎樞密卒謚安惠公

周堯卿字子餘荊州進士大常博士慶曆范仲淹薦未
召而卒堯卿年十二至孝父母喪居廬三年慈烏
銜土墓上兄弟友愛居官俸祿分宗族朋友

周必大字弘道博學宏詞高宗擢臺閣入侍從孝宗拜
相封益國公退居號平園與誠齋楊萬里倡和慶
元年卒年七十九謚文忠公鄭州青城人宣和年
朝散公通判吉州因家焉公間居十五年築堂名
王和自氣和為王濁今賢和朝物和野俾老叟皤
然佚老於和氣中又曰易六十四卦惟謙六爻皆
吉孔子云一言可以終身行之其恕乎故處己以
謙待人以恕言行錄

周敦頤字茂叔少孤養外家景祐年中以舅鄭公向奏

試將作監主簿分寧主簿南昌宰永州通判初任
南康司理有囚不當死使長令深治之茂叔投告
身去曰殺人以媚人吾不為也運使感悟囚賴以
生退居江州瀟溪與二程講學明道曰吾見茂叔
吟風弄月而歸得吾與點也之意伊川曰吾與茂
叔論道遂厭科舉黃魯直曰茂叔人品甚高胷中
洒落如光風霽月初柳州守李初平薦之及初平
卒子幼茂叔護喪歸塋士大夫曰是能葬舉主者
通判永州趙抃寄詩曰君去瀟溪湖外行倅藩仍
喜便鄉程九疑南向參差碧二水秋來徹底清詩
筆不間真吏隱訟庭無事洽民情霜鴻只到衡陽
轉遠緒憑誰教寄聲太守胡寅詩千古瀟溪周別
駕一篇清猷錦江詩蒲孟宗詩二子君家寶知渠

神骨清初生俱嶷嶷學語便鏗鏗鳳老雛万秀珠
圓蚌轉明吾生真宅相何得不翹英又云湓浦方
營業瀟溪旋結廬零陵官俸剝應得更添書共十
首 趙抃奏為廣東運判廣東提刑移疾知南康
軍分司南京熙寧六年卒年五十七終九江私第
初娶陸參女再娶蒲師道女二子曰壽曰壽春陵
營道縣瀟溪周氏世家茂叔居南康九江結廬
流寓瀟溪以志鄉閔也何弁營道齋詩序云

周邦彥字美成元豐年太學獻汴京賦神宗授太學正
流落三十年蔡元長當國生日邦彥獻詩曰化行
禹貢山川內人在周公禮樂中蔡薦之紹聖裕除
祕書正字校書知隆德府召祕監知順昌府徽宗
召除徽猷閣待制知真定府提舉洞霄宮卒有詩

文行世人惟傳其樂府詞未有好德如好色者也
美成中興名士

周葵字立義常州宜興人自鄉校移籍京師宣和進士
甲科召試除監察御史紹興年司農知信州湖州
平江府紹興府禮部侍郎國子祭酒給事中知信
州撫州太平州兵部侍郎參政樞密資政殿學士
淳熙元年卒年七十有七謚簡惠公宋言行錄
周武仲字憲之建州太學登科歷監察御史奉使大遼
又使金回除刑部尚書朝請大夫致仕

周翰五子 袞 奕 育 京 充 袞字彥弼嘉祐
登科不附王安石新法知滕州其孫珩靖康年上
書奉使致仕年八十八五世孫國華字直夫嘉定
年太學春秋及第其先世一舉首登龍虎榜十年

身到鳳凰池字號分十四房

州 風俗通晉州綽 州賓 漢州輔 魏川秦

舟 舟之橋晉大夫

緱 姓范陳留孝子傳緱氏女名玉

後魏河南官氏志渴侯氏改緱氏

不 沒郡姓范不準晉人發魏襄王家得竹簡古書稱

汲家書

不蒙世姚秦安遠將軍

勾勾芒氏喬 勾強見史記

勾濤初蜀大姓避諱因其子易其音勾濤是也加金餉

光祖絮約紡加草苟謀從口為句思增一字句龍

如淵本一姓為六姓如文彥博言敬暉後文氏支

氏苟氏避諱分其姓為二

侯 上谷春秋魯侯叔夏侯杞鄭侯宣多 侯多羽

漢複姓八 夏侯禹喬河南封杞杞簡公為楚所

滅弟杞佗奔魯封夏侯自魯之沛沛分譙

羅侯氏楚滅羅以國士韓侯周宣王大夫 魏有

屈侯鮒 曹伯之豎侯孺 漢尚書相侯雋

吳伯侯子安 北周侯莫陳氏將軍伏侯隆

後魏渴侯氏

侯羸年七十大梁夷門監者魏信陵君一日車騎虛左

自迎侯生羸上載不讓無忌執轡愈恭生曰臣有

客在市屠中願枉車騎過之君曰諾侯生與客朱

亥父立睥睨無忌色愈和乃謝客上車至引侯生

上座賓客皆驚及秦圍趙趙平趙勝原君夫人無

忌姊平有讓曰勝所以自附婚姻者以公子高誼

能急人之急今邯鄲旦夕降秦而魏救不至縱公
子棄勝獨不念君姊乎無忌請於王不聽自率賓
客百餘人歆赴之過夷門侯嬴說曰無策赴趙臂
以肉投虎也臣聞晉鄙兵符在王卧内如姬最幸
能竊昔為如姬報其父仇姬念死報公子試一開
口即得虎符奪晉鄙兵赴秦存趙五霸之功也公
子如生言得符侯生又曰晉鄙合符審而不授兵
則事危矣臣客朱亥力士也請俱行晉鄙合符梁
疑不發朱亥袖四十斤鐵椎椎殺之斬兵以進大
破秦兵於邯鄲史記

侯公說項羽歸太公吕后漢封平國君漢金鄉侯長君
碑云諱成字伯盛山陽房邑人漢興公納策濟上
皇於鴻溝漢封安國君曾孫黼封明統侯光武中

與其玄孫霸拜大司徒封侯漢待侯公不薄也漢
書

侯霸字君房王莽時霸臨淮尹保全一郡徵還百姓泣
遮車卧轍願留莽年上召會壽春拜尚書令明習
典故進大司徒於陵侯自不言侯公後東漢

侯芭鉅鹿人從楊雄學受太玄法言見雄本傳

侯瑾字子瑜以禮自牧獨處一室如對嚴師大賓著矯
世論西河之人咸敬其才不敢名稱侯君

侯史无字孝明東萊人舉孝廉州別駕擢御史中丞仲
司直才厲忠清節儒學博古歷官著績文筆奏議
皆有條理

侯真字伯玉以平侯景功拜豫州刺史

侯植字仁幹倜儻有大節武藝絕倫魏義州刺史南北史

侯君集幽州人唐凌烟閣功臣第十七人初破吐谷渾
進吏部尚書本出行伍既貴奸學高昌叛拜交河
道行軍總管平高昌刻石紀功而還初從李定學
兵法以承乾謀反誅唐史

侯思正醴泉人賣餅為業又為高元禮僕武后時以告
密事擢將軍求御史后曰卿不識字對曰獬豸何
曾識字但能觸邪拜侍御史思正來俊臣尚酷徐
有功杜景儉平恕有被告者遇來侯必死遇徐社
必生思正食籠餅令縮葱加肉時號縮葱侍郎唐
侯希逸營州人身長十尺平盧節度王志元卒李懷玉
殺志玄子共推希逸為平盧節度使希逸母李氏
懷玉之姑唐節度使由軍中廢置自此始唐肅宗
紀

侯知道程俱羅稱靈武二孝李華作贊

侯道華得遺好學乎不釋卷或問曰何所用荅曰天上
無愚公人

侯喜字叔迥韓愈薦於靈郎中曰進士侯喜文甚古志
甚堅行止取舍有士君子之操家貧親老無援於
朝或接膝不相知或異世而相慕故曰士為知己
者死非為侯生謀感知己之難遇韓文

侯雲長韓愈薦於祠部郎中陸參

侯高居上谷處士自比阿衡太師有女必嫁官人不與
凡子王適自稱天下奇男子曰此翁可人其女賢
不可失即以百金許媒媪曰吾明經及第即官人
矣侯高曰果官取文書呈適曰翁長者必不疑人
欺以書卷似誥身袖往果見文書銜袖曰足矣遂

以女嫁適韓文

侯蒙字元功高密鄉貢進士年長貌陋鄉人輕之或畫像紙鳶引線放空中元功作臨江仙曲未遇行藏誰肯信如今未表名蹤無端巧匠畫形容好風輕借力一舉入高空才得吹噓身漸穩直須還到蟾宮兩餘天闊夕陽紅幾人平地上看我碧霄中遂及第徽宗擢侍御史西夏寇邊高永年死節上親批五路將臣劉仲武等十八人姓名詔蒙制鞠於秦州以給事中持節秦州仲武等各囚服聽命蒙一見曰公等皆侯伯不欲以獄事辱惟具言情實蒙具獄狀奏曰漢武殺王恢不若秦穆赦孟明何也子玉謚而晉侯喜孔明死而蜀國輕今敵國殺一都護而邊臣十八人由之死是自剪其股肱爪

牙欲身之彊得乎上即赦仲武等不問除蒙御史中丞政和年中書侍郎

侯叔獻字景仁撫州宜黃進士慶曆及第雍丘尉捕盜功授桐廬令奏汴河水利擢都水監開白溝河儲三十六陂水京索二水兼提舉沿汴淤田開白溝河刀馬河自明河詔獎諭曰克勤于邦盡力溝洫於卿有焉以勤致疾卒五十四臨川先賢傳

鄒 范陽 姓纂子姓宋懿公後 正考父食采鄒生 叔梁紇

哀公七年邾為魯所并史記魯傾公楚考烈王滅魯

鄒陽齊人與嚴忌枚舉仕吳王滂陽上書臣畫智極慮無國不可干飾固陋之心何王之門不可曳長裾

乎切高下風之行悅王之義臣聞鷙鳥累百不如
一鷄全趙之時武力鼎峙袷服叢臺之下一旦成
市不能止幽王之湛患趙王為呂后殺之淮南厲
山東之仇死士盈朝不能還厲王之西也淮南厲
王計議不得雖諸賁不能安其位王不納專諸孟
賁時梁孝王待士陽嚴枚去吳之梁陽不苟合羊
勝公孫詭聞之下吏獄陽從梁獄上書荆軻慕燕
丹之義白虹貫日衝先生為秦畫長平之策太白
食昴昭王疑之夫精變天地而信不諭二主比干
剖心子壻鴟夷語曰白頭如新傾蓋如故樊於期
逃秦之燕藉荆軻首以秦州事王奢去齊之魏臨
城自頸以却齊存魏夫王樊非新於秦齊故以於
燕魏也慕義無寤也蘇秦相燕或惡之燕王按劍

而怒食以馱馱曰主顯於中山或惡之魏文侯賜
以夜光之璧兩主二臣之相信豈移於辭哉女無
美惡入宮見妬士無賢不肖入朝見嫉司馬喜臚
脚於宋宰相中山范睢拉脅折齒於魏為秦應侯
百里自鬻秦繆公委以政寧齊飯牛相公任以國
二人豈素宦於朝借與左右哉偏聽生姦獨任成
亂魯聽季孫遂孔子宋任子拜囚墨翟夫孔墨不
免謔諛而二國以危衆口鑠金積毀銷骨秦用戎
人由余霸中國齊用越人子臧強威宣意合則胡
越為兄弟由余子臧是也不合則骨肉為仇敵夫
象管蔡是也王用齊秦之明後宋魯之聽五霸不
足侔三王易為也晉文親其仇霸諸侯齊桓用其
仇一匡天下秦用商鞅東弱韓魏立強天下卒車

裂之越用大夫種禽勁吳霸中國遂誅其身是以
孫叔敖三去相而不悔於陵仲子辭三公為人灌
園臣聞明月之珠夜光之璧以暗投人莫不按劍
相眇無因至前也蟠木根柢輪囷離奇而為萬乘
器者以左右先為之容也無因至前隋珠和璧而
不見德有人先游枯木朽株樹功不忘聖王制世
御俗獨化陶鈞之上不牽乎卑辭不奪乎衆口周
用烏合而與秦信左右而忘其能越拘挛之語馳
域外之議獨觀昭曠之道也今王沈諂諛之言牽
惟庸之制使不羈之士牛驥同皁此鮑焦所以憤
世也里名勝母曾參不入邑號朝歌墨子回車書
奏王以為上客孝王恐誅以千金求方畧陽知齊
人王先生年八十余多奇計往見語其事王先生

難哉子安之陽曰鄒魯守經學齊楚多辯智韓魏
有奇節吾將歷問之先生曰欲獻愚計往見王長
君王美人兄也陽乘見謁長君曰君能為上精言
之得勿竟梁事長君必固結於上太后必德長君
而君女弟幸於兩宮金城之固矣長君即入內言
於上果不治梁王漢本傳

鄒忌朝服衣冠窺鏡謂妻曰我孰與城北徐公美妻曰
君甚美徐公何能及君也問妾妾曰徐公何能及
君美也客從外來忌曰吾與城北徐君孰美客曰
徐公何及君美也城北徐公齊之美丈夫也明日
徐公來忌孰是自知不如窺鏡不如遠甚夕寢思
之妻之美我私我也妾之美我畏我也客之美我
有求於我也忌入告齊威王曰臣誠不如徐公美

臣妻私臣妾畏臣客有求於臣皆言臣美甚徐公
齊方千里百二十城宮女左右莫不私王朝廷諸
臣莫不畏王四境內外莫不求有於王王之敵甚
矣王乃下令群臣吏民能面刺寡人過者受上賞
能上書諫者受中賞能謗議市朝聞於寡人耳受
下賞於是臣民進諫如市齊國大治燕趙韓魏朝
於齊此所謂戰勝於朝廷初忌以鼓琴見齊威王
王鼓琴忌曰善哉王勃然按劍曰子見容未察何
以知善忌曰大絃濁以春溫者君也小絃廉折以
清者相也攫之深驛之愉上式下舒者政令也鈞
諧以鳴大小相益回邪不害者四時也以是知其
善也王曰善語音忌曰何獨語音治國家弭人民
皆在其中王勃然曰治國家弭人民何與絲桐忌

曰復而不辭者所以治昌也連而徑者所以存亡
也故曰琴音調而天下治忌見王三月受相印淳
于髡曰有愚志願陳前得全全昌失全全亡忌曰
謹受令髡曰豨膏棘軸所以為滑也然不能運方
穿忌曰請謹事左右髡曰弓膠析榦所有為合也
然不能傳合疏鑄忌曰請謹自附於萬民髡曰狐
裘雖弊不可補以黃狗之皮忌曰請謹擇君子勿
以小人髡曰大車不較不能載其常任琴瑟不較
不能成其五音忌曰請謹脩法律而督姦吏髡趨
出面其僕曰吾語之微言五其應我如響是人封
不久矣相暮年封成侯
新序田稷下先生喜議政忌相齊稷下先生淳于
髡之屬七十有二人輕之以為設微言忌必不得

及乃相與俱往說之淳于之徒禮甚踞騶忌礼甚
卑髡微辭語之忌應如響稷下諸人詘而去

鄒奭荀卿傳曰雕龍奭注曰奭之文章若雕龍也

鄒衍事燕惠王盡忠燕有寒谷不生黍稷衍吹律寒谷

中煖氣潛回谷中黍生焉左右或讚之王囚衍獄

中衍仰天一呼盛下降霜劉向別錄

鄒湛字潤甫南陽人傑才學知名遷國子祭酒羊祐傳

子捷字大應有文才拜散騎常侍晉文藝

鄒浩字志完常州晉陵人以道學行義著和順積中英

華發外為揚州教授呂申公守揚州令撰樂曲浩

不允申公曰教授他日為翰林如何浩曰翰林則

可司業則不可呂薦之入諫垣哲宗以公輔期之

召對除正言司諫中書舍人歷侍從寶文閣待制

知杭州越州大觀元年直龍圖閣上表侍親六年

以壽終年五十二宋

鄒極字適中撫州宜黃進士治平年登科太和主簿茶

陵丞定荆湖役法民便之王安石當國召審官院

元豐三年除湖南運使奏鹽法入度支江西提刑

丁艱服除曰吾幼讀聖賢書今僕僕權門干寸祿

娛親耳既孤可不仕年四十九致仕疏泉石花木

從賓友自落丘園號一翁紹聖年上以戶部侍郎

召不起大觀元年卒年六十五

鄒餘字損道宜黃進士及第通城令曰按簿書期會可

以集事未可治民遵法令平曲直可以治民未可

成俗風化之原在學校乃廣邑庠創講堂名資深

堂黃廷堅作記辯桂林宜陽疑獄初赴洛容縣次

零陵見邢恕與語大悅恕為御史薦之召對拜監
察御史或曰執政怨邢公上問所薦勿言公曰邢
御史道義相契今蒙援引而不言寧不愧於心出
淮西提舉再入御史數月奏十事選郡守擇學官
徽州縣吏選經費之臣辦元祐之黨皆中治體大
臣不樂即致仕終于家年四十九

鄭永年字天錫江陵府松滋縣令黃山谷集鄒松滋寄
苦竹泉橙翅蓮子湯三詩

牟 鉅鹿 風俗通祝融裔 牟子之國 何氏姓苑

漢複姓三禮記賓于賈滎陽 彌牟氏

先賢傳牟君卿兗州刺史平昌曹牟君卿

牟融字子優初以尚書教授生徒名聞州里舉茂才上
黨令明帝謂其才可宰相拜司徒拜司隸校尉舉

正百僚得大臣節

牟長字君高治尚書諸生千餘人漢儒林

區 風俗通 區治子善劍吳人一作歐治子善鑄劍

區景長沙人吳蒼梧太守

樓 婁 東陽 譙國 妣姓少康裔東樓公封杞楚

所滅自譙徙會稽望

內黃 東陽 東樓公裔為樓氏

邾婁考公裔為婁氏

後魏河南官氏志 蓋樓 賀樓 伊婁 匹婁

那婁 並為婁氏

樓綬戰國策士 婁敬漢封奉春君賜姓劉

樓望治嚴氏春秋漢儒林之宗漢章帝詔諸儒會白虎

觀作奏議一時名儒丁鴻樓望成封班固賈逵等

永平年拜侍中入講省內東漢

樓護字君卿谷永皆五侯上客長安語曰谷子永筆札
樓君卿唇舌護以豐辯附會五侯爭致珍膳護合
以為五侯鯖珍味也護舉賢良方正拜諫議大夫
奉使郡國奉事稱上意拜天水太守前漢游俠傳
樓惠明字智遠有道術隱金華山徵詔不起南史隱逸
婁師德微時乘客師渡江叩舷而返曰舟中人鼻下皆
黑此死氣也不可同濟忽一跛男子跛且負登舟
客師復登舟曰貴人在可濟中流幾覆舟而免跛
男子婁師德及第遷揚州長史盧承業曰台輔器
也詔募壯士討土蕃師德自戴紅抹額應詔戰泉
澗八戰八克出入將相三十年以功名終武后拜
平章其弟守代州師德教之耐事弟曰人或唾

面拭之而已曰拭之是違其怒也唾不拭將自乾
當笑而受之可也師德薦狄仁傑至相位而不知
仁傑甚輕師德武后語之故仁傑乃曰婁公盛德
我為所包容久矣吾不得窺其際也

婁昭北魏中軍大都督定州刺史 兄獻瀛州刺史北
史

伊婁謙仕周聘齊其叅軍高遵以情輸齊齊拘謙晉陽
周克晉陽召謙執遵付之曰卿可聚眾唾其面使
知愧謙曰遵罪非唾面可責待如初陳宣紀

婁圖南見柳子厚集婁二十四秀才花下對酒唱和詩
序文送圖南遊淮見柳文

樓鑰紹興年洪遵吏部尚書知貢舉擢樓鑰林光朝二
名士

已集第五卷

任樂安 黃帝二十五子以德為氏者十有二任氏
第一傳六世奚仲封薛

任不齊字選楚人贈任城伯封當陽侯贊曰任城建伯
其字曰選淑問雅雅才華清遠近辰力行愛日黽
勉孔教崇崇令緒顯顯

任座事魏文侯能直言 任少卿與司馬子長交書
見文選

任鄙秦武王力士烏獲任鄙

任公子大鈎巨緇五十犗以為餌躡會稽投竿東海莊
子外物篇

任安字定祖衛青舍人語曰居今行古任定祖互田仁
漢儒林傳互衛青霍去病傳

任宏步兵校尉正兵書劉向同校書

任教漢高帝令守豐沛拜上黨太守封廣阿侯拜御史

大夫

任文公曉天文風星祕要為司空掾平帝時稱疾歸家
課家人負重百斤環舍趨走日數十倒時人莫知其故後黃莽篡漢兵寇並起其迹難者少能自悅
惟文公一家大小負重捷步悉完兒

任光字伯卿守信都拜大將軍對阿陵侯雲臺二十八

將

任隗字仲和光之子官司司空俸祿賑宗族沉正見重當
世互表安

任延字長孫年十二通易詩春秋太學稱任聖童拜武
威太守光武戒以善事上官無失名譽對曰忠臣

不和和臣不忠履正奉公臣子之節善事長官不
敢奉詔拜九真太守鑄田器教民耕稼駱越俗不
嫁娶教以嫁娶禮生男女方知姓曰使我有子者
任使君也多名子曰任

任尚代班超守西域超曰水清無大魚察政不下和東漢

任旒字子旗樂安富昌人漢黃巾亂曰任子旗天下賢
人勿犯其鄉富昌賴之全

任棠隱居教授龐參漢陽太守謁棠棠不與言拔薤一
大本置水一盂戶內屏前抱嬰兒伏戶下參曰曉
我也非傲也互龐參東漢

任峻字伯達曹操征伐令居守給餉拜典農中郎將屯
田所在積倉粟滿飢荒則周急繼之曹操征伐兼
并無運糧之勞始於棗祇成於任峻三國魏志

任愷字元褒拜侍中有經國之幹綜管萬機社稷為已

任拜吏部尚書

子罕字子倫黃門侍郎兗州刺史大鴻臚晉史

任旭字次龍閉門讀書清修養志辟祭酒徵給事中俱

不拜晉隱逸

任昉字彥昇父遙妻裴氏夢五色旗四角縣鈴一鈴墜

入懷占曰必生貴子乃生昉褚淵語其父曰令子

甚嘉百不為多一不為少初為太學博士王儉見

其文曰當世無輩知徽州行春至休寧縣境愛其

雲氣坐一大石上垂釣今名曰昉溪其里有任公

寺解官歸舟載桃花米二十石擢御史中丞劾郢

州刺史曹景宗不援司州致蔡道恭死守昉祕書

監卒 劉峻見訪諸子兄弟流離不自振有西華

者冬月葛巾練裙峻矜恤之歎昉平生交游無收

恤者南史

任忠字奉誠平侯景之亂授盪寇將軍 梁書

任孝恭讀書一遍諷訟不忘掌詞翰拜司文侍郎南史

任祥字延敬從齊神武起兵進儀同三司寬河接士北史

任果字靜鸞仕周文帝上取蜀策拜驃騎大將軍北史

任瓌字瑋早孤其伯父曰寄門戶者此子也謁唐高祖

龍門上曰卿將家子智筭練達事其濟乎使環入

收三輔拜招尉使上曰聞外事一付任環封管國

公唐史

任敬臣五歲喪母問父曰何以報母父荅曰揚名顯親

可以報母即刻志學文周處權見其文曰此兒不

可及舉孝廉擢制科拜弘文館學士

任國京兆人明敏縱橫昭義軍節度使李嗣昭辟幕府
梁兵築夾城圍潞州圍說嗣昭固守勿二心唐莊
宗破梁兵聞固守之策遂知名從戰胡柳有功上
曰儒士破體仁者之勇何壯也嗣昭戰沒圍代之
拜工部尚書真定尹北京留守拜中書門下侍郎
平章事贈太傅

任濤瑞州人有詩鷺搏沙嘴起人卧釣船流數舉進士
不第李常侍騰廉撫江西道特與免役鄉人或糾
之騰判云江西界內有詩如任濤者例子免役
任布字應之唐宰相國四世孫及第奏河北利害請嚴
邊備果有澶淵之役真宗除荆湖提刑三司使知
宿州鄧州建州梓州運使知真定府慶曆元年樞
密致仕作五知堂于洛陽曰知恩知道知命知足

知幸初布輔政其子遜上書詆大臣亦言其父不
才御史魚周詢奏布云不才之迹其子具知時謂
遜詆父不孝而周詢引以劾布為為不智布卒謚
恭惠公晚年康健人言得所養恭惠曰讀文選有
得也曰石韞玉而山暉淵藏珠而川媚

任中正字慶之曹州濟陰人舉進士錢若水薦之真宗
拜監察御史江浙運使發倉粟賑飢代張詠知益
州在郡五年兵部侍郎參政卒謚康懿公第中師
任中師字祖聖及第張知白薦拜右正言諫議大夫知
益州以呂夷簡薦召樞密禮部侍郎資政殿學士
知永興軍陳州曹州鄉郡少傅致仕謚安惠公仁
宗賜飛白書家起御書樓兄弟以孝行稱
任攷字師聖弟汲字師中眉州進士慶曆及第汲為齊

安令黃州通判郡仁德之作師中菴任公亭蘇子瞻作記攷知富順監子伯雨子瞻挽詩曰大任剛烈世無有疾惡如風朱伯厚小任溫毅老更文聰明慈愛小馮君兩任才行不須說疇昔並友吾先人 及知瀘州 孫諒

任伯雨字德翁及進士第元符右正言奏章敦蔡卞崇寧坐黨籍名貶通州昌化軍紹興年其子甲先除起居即上奏父手澤論章敦蔡卞誣訕宣仁后事上曰朕親承隆佑太后聖訓詔元符諫官任伯雨奏章敦蔡卞欲廢太后為庶人可追貶章蔡仍子孫不許內任

任諒年十四魁蔡州鄉貢進士及第遷龍圖閣直學士九持使節三建帥臺徽宗有事于燕山諒奏書忤童貫蔡京上曰卿剛直朕所簡知國史有傳李邴志其墓 曾孫希夷

任福開封府人咸平殿直刺史靖康年禦西夏福與子懷亮父子死節贈武勝軍節度使封其母董氏隴西郡夫人妻王氏琅邪郡夫人子懷德節度副使懷亮副元帥懷譽供奉官懷謹侍衛官孫惟恭惟讓俱殿直姪懷玉三班職詔賜其家銀絹上田宅 宋

任淵字子淵注黃山谷陳后山詩

禽 魯國 禽鄭魯大夫 禽慶高士傳 禽賢孝子

傳

琴 琴張左傳 琴牢名張字子開衛人贈陵伯封頓丘侯贊曰多能鄙事聖人曲意惟其知之是以不

試宗魯雖反弔必以義尚詩嘉言祀亦罔替見左傳

斟 國語祝融後侯伯八姓斟姓無後 複姓斟弋氏

斟尋氏 斟灌氏三姓並祝融後

箴 衛大夫箴莊子 楚大夫箴尹克黃宣四年

諶 豫章 何氏姓苑陶侃母諶氏

諶重字文疊南昌人有孝行居父喪舍側有白兔馴繞

漢和帝時郡舉有道科以高第除郡博士京輔都

尉右內使衛尉大司農詔加奉車都尉荊州長史

今廟食上諶市南壇

諶禮字秀登南昌人三國吳舉德行科詔拜尚書倉部

郎撰書儀十二卷行世洪州職方乘

諶母晉旌陽令許遜學道於諶母

岑 周文王封異母弟耀之子渠岑子國在梁國岑亭

世居南陽棘陽後漢方顯於岑彭

岑彭字君然拜刺姦將軍遷南大將軍舞陽壯侯子遵

漢中興雲臺二十八將 岑遵漢屯騎校尉封細

陽侯 曾孫像南郡太守生暄

岑暄字公孝南陽太守成瑨以暄為功曹黨禍逃江夏

山中徙吳郡生亮伯亮伯生軻

岑軻吳會稽鄱陽太守生六子徙鹽官唐宰相三

文本 義 長倩

岑文本字景仁鄧州人事母孝父之象坐獄訟不伸文

本年十四詣司隸校尉理寃辯對哀暢司隸命作

蓮花賦賦成合臺賞歎真觀祕書直中書省太宗

籍田元日朝會文本奏籍田三元兩頌擢中書舍

人代顏師古侍郎進中書令有憂色語母曰非親
非舊位高責重所以憂也有賀者文本曰今日受
弔不受賀曰吾漢南一布衣徒步入關所望密書
縣令今無汗馬之勞以文墨位宰相何以堪之凡
任職有賜賚命弟文昭主之文昭多交輕薄太宗
欲黜之文本曰臣少孤臣母鍾愛弟上召文昭責
之遂為善事上授校書郎文本撰氏族志凡二百
九十三姓見唐太宗紀

岑羲字伯華文本之孫及進第金壇令弟仲翔長洲令
仲休溧水令並著治績宰相宗楚客語巡察御史
曰勿遺江東三岑中宗朝羲敬暉同上表斥武氏
諸王睿宗朝羲兄猷國子司業仲翔陝州刺史仲
休商州刺史兄弟子姓位清要者十數人 坐太

平公主謀反誅

岑長倩文本兄子垂拱年自夏官尚書遷刺史文昌各
相封鄧國公初文本為中書舍人中書令長倩兵
部侍郎同中書門下平章長倩號陳留八俊和州
浮屠上大雲經武后詔立大雲寺長倩見不從
岑參天寶進士第二人授補開嘉州刺史杜甫齊名宋
陸務觀讀其詩曰漢嘉山水郡岑公昔所寓公詩
信豪偉筆力追李杜

岑熙彭之曾孫魏郡太守聘召隱逸共參政事無為而
化在郡二年人歌曰我有枳棘岑君伐之我有蟲
賊岑君遏之狗吠不驚足下生甍含哺鼓腹焉有
凶災我喜生有丁斯時美哉岑君於戲體茲漢史
岑之敬字思禮年十六策春秋左氏高第博涉文史接

引後進恂恂如也士君子以馬行稱南史
岑著作蘇軾送其赴西蜀官云懶者常似靜靜豈懶者
徒拙則近於直而直豈拙歟夫子靜且直雍容時
卷舒 見庫坡集

尋 河內春秋尋夏后氏同姓 鄆勝 鐸 三姓同

音勝昉周大夫

尋曾子子貢晉東海王之臣 尋相劉武周將歸

唐

鐸 漢廷尉 鐸顯後漢人

柳 楚懷王孫心為義帝 都柳其後氏焉 柳寶

晉陶侃別傳

臨 西河 八元大臨後 臨深秦州刺史 後趙錄

臨孝恭知天文隋史

林 濟陽 殷太丁子比干為紂所殺其子堅逃長林

山中因林得免以林為氏春秋左氏傳林雍林不

狃林楚世仕季氏傳曰林楚之先季氏之良也

林楚御栢子定公九年林阮齊人見說苑 林穎列子

林回殷之逸民言君子之交淡若水小人之交甘若醴
棄千金之璧抱赤子而趨莊子

林訪字子丘魯人贈清河伯封長山侯贊曰禮之有本
子能啓問大哉斯言光昭明訓德輝太山誣祭莫
奮崇茲祀典盍永令聞濟南本齊郡鄒縣漢分濟
南郡

林玉風俗通云林放至林玉為趙王相生九子居九門
稱十德之門

林尊漢儒林傳為博士

林藻吳化軍進士官侍御史弟蘊唐儒學傳

林枏字子方紹興進士

林傑字智周五歲能詩與父遊王仙壇云羽客已登雲
路去舟砂草木盡凋殘不知千歲歸何日空使時

人掃舊壇謁唐中丞令賦七夕云七夕今朝看碧
霄牽牛織女渡河橋家家乞巧望新月穿盡紅絲
幾萬條唐

曰真神童年十七雙鶴盤空飛下傑抱得一隻是
夕卒鄭立之哭曰才高不及賈生年何事英魂逐
逝川螢聚帳中人已去鶴離臺上月初圓詩話

林攢泉州人母喪水漿不入口五日自埏甓作冢廬墓
右白鳥翔甘露降詔作雙闕于母墓前時稱闕下
林家唐

林蘊字復茂泉州人父披子茂彥以臨汀多山鬼淫祠
民所厭苦撰無鬼論蘊世習經西川節度使韋皋
辟為推官劉闢反蘊曉以逆順大義貽書切諫闢
械於獄將即刑大聲曰危邦不入亂邦不居得死

為幸闢密戒行刑者抽刀磨其頸以脅服之蘊叱曰死即死耳我頸豈頑奴砥石耶闢釋之蘊又以書諷宰相李吉甫李絳武元衡有姓崔者自矜氏族蘊曰崔子弒齊君林放問禮之本優劣何如唐林希字子仲福州進士紹聖知成都府哲宗除中書舍人時方紹述黜元祐黨自呂防劉摯蘇軾等書命皆希筆來

林樞字彥福福州長樂人以父任入官遷中書舍人翰林學士奉使大遼還除禮部尚書遼人以書言樞恣辱不敬遂出知潁州召開封府尹樞密尚書左丞中書侍郎

林敏功字子仁蘄州蘄春人治春秋年十六舉士不第曰軒冕富貴非吾所樂杜門二十年通六經貫百

氏尤長於詩蓬戶桑樞安貧樂道元符間蔡元度薦之上詔本州禮遣子任遁山中不受詔張天覺徐擇之守蘄州尊禮之政和中林震曰吾宗有隱君子旬日一出郊見之薦於朝陽賜號高隱處士旌表門閭稱疾不拜上詣諭守令率鄉黨親戚耆老親臨勸諭不得辭謝表畧云自揆難陪英俊之游奚敢忘意高尚之事臨牛衣而待且寒如之何搔鶴髮以具懷老其將至守令親臨賓親咸集諭臣以雨露之澤但可以均霑戒臣以雷霆之威不宜輕忤有詩文千餘篇名松坡集

高隱處士四子與朝散大夫等

林大鼎字梅卿莆田人先君澄渚與闕下同宗號九牧林家大鼎及進士第官諫議大夫吏部尚書

林光朝字謙之莆田進士及第歷翰苑多論奏不得其
言而歸卒丞相正獻陳公詩哭之曰出為嶺嶠澄
清使歸作甘泉侍從臣百擔有書行李重千金無
產橐中貧絰旬把臂言猶在昨日題詩墨尚新清
曉訪君呼不起寢門一慟淚沾巾光朝樓鑰俱洪
遵門生

林幼玉淳熙元年以女童永誠中書排經書四十三件
並通詔封孺人

林逋字君復居錢塘西湖孤山詠梅詩衆芳搖落獨暄
妍占斷風情向小園疎影橫斜水清淺暗香浮動
月黃昏霜禽欲下先偷眼粉蝶如知合斷魂幸有
微吟可相賞不須檀板共金樽雪後園林才半樹
水邊籬落忽橫枝因梅詩得名二十年不入城市

天聖年丞相王隨以給事知臨安府出已俸新其
廬逋啓謝云伏蒙差人送至留題詩石一片并創
軒榮以庇風雨念昔清閒鉅公顧兵樊之側微軫
土木之衰朽不過一駐駕一式廬而已未有廻迂
玉趾歷覽環堵當纓鞋之盛集攄風雅之秘思率
賡載殆成編軸韞它山之堅潤刊群言之鴻麗信
奪山水之清暉發斗牛之寶氣范文正公詩風俗
因君厚文章到老淳仁宗賜號和靖先生蘇子瞻
云吾儂生長孤山曲呼吸湖光飲山綠不論世外
隱君子傭奴販婦皆冰玉先生可是絕俗人神清
骨冷無由俗我不識君曾夢見瞳子瞭然光可燭
詩如東野不言寒書似西臺御史李建中差少肉
自言不作封禪書更肯悲吟白頭曲我笑吳人不

好事好作詞堂傍脩竹不然配食水仙宮一盞寒
泉薦秋菊逋臨終有詩云湖上青山對結廬墳前
脩竹自蕭疎茂陵他日求遺藁猶喜曾無封禪書
陰南陽 姓慕周管叔鮮裔管仲七世孫脩適楚為陰
大夫 周陰不佞
至漢徙南陽新野 晉陰飴生食米 陰左傳僖
公十五年

陰里周大夫襄公十二傳

陰子方子公其家臆曰晨見竈神子方以黃牛祭竈自
是家大富至陰隣生女陰麗華漢光武至長安見
執金吾車騎甚盛曰仕宦當作執金吾娶妻當得
陰麗華即位立麗華為后年十九生明帝東漢
陰識字次伯封陰鄉侯不受拜侍中執金吾輔東宮鎮

京師上每指識以刺戒左右貴戚東漢

陰興字君陵黃門侍郎衛尉賜爵關內侯不受明帝詔
曰興輔道有周昌之直在家仁孝有曾閔之行封
其子慶嗣陽侯恂恂苗裔傳龜襲組 東漢

北魏又一陰興西涼州人國師助教宋文帝紀

陰蒼漢皇后弟封東平憲王上問處家何事最樂王對
曰為善最樂東漢

陰子春字幼文武威人仕梁秦州梁州刺史以廉潔稱
衣服垢汚脚數年不洗每言洗脚失財敗事在梁
州一日洗脚有梁州之敗子鏗

陰鏗字子堅年五歲日誦千言通經史工詩何遜齊名
稱陰何梁湘東王授法曹參軍賓僚晏飲每以酒
炙賜行觴者或笑之鏗曰吾曹酣飲使執爵不知

味非人情及侯景亂鏗被執得一人救免即昔日
行觴者此與顧榮錫炙事同鏗詩三卷附陳書阮
卓傳

陰長生新野人東漢后戚居富貴不樂榮利知馬明生
得度世術乃執御者禮事之十餘年不怠明生日
子可得道授丹經教煉丹成又不樂昇天乃服半
劑為地行仙神仙傳

陰壽字羅雲有平蔚遲迴之功拜幽州總管子世師有
節槩仕隋張掖太守威懷戎夏北史

金京兆 渤海 少昊金天氏裔 漢功臣表金張許
史

金日磾字翁叔身長八尺匈奴休屠作金人為祭天主
漢武姓金元狩元年遷光祿大夫忠孝著節輔少

主封稅侯二子賞建俱侍中弟倫倫子安上拜侍
中日磾張安世俱七世侍中常侍封稅侯謚敬侯
金安上字子候侍中子敞子涉侍中明經學節儉從父
弟欽舉明經拜欽京兆尹哀帝年幼選師友孔光
以明經為孔氏師欽以家世忠孝為金氏友欽封
都成侯

金彥漢贊曰日磾篤敬寤主忠信目著世名忠孝七世
內侍左太沖詩金張籍舊業七葉珥漢貂

金祚字仲敬驍勇豪俠北魏以軍功拜太中大夫北史
金安節宋吏部尚書致仕賜詔不允

譚 濟南 春秋譚國在濟南齊州平陵縣 齊滅譚

譚子奔莒 譚公維私詩碩人

譚大夫詩大東

譚閱漢河南尹漢文

譚弘寶四世同居詔旌表門閭蠲租稅南史

譚孝倫唐漢州別駕

譚世勣字彥成長沙人世勣擢博學宏詞科遷徽猷閣待制知婺州給事中侍讀禮部尚書數進良策而何臬不能用邗昌僭位世勣憂憤卒贈端明殿學士宋 譚惟寅肇慶府及進士第

譚元梁東寧州刺史

譚利用宋乾德年試拔萃科孫邁宋白譚利用稱旨利用授右拾遺賜襲衣犀帶銀鞍勒馬宋

邾邾子來朝春秋昭十七年孔子問官名於邾子

談廣乎談巴蜀征東將軍

南南仲周宣王臣南荆季氏費邑宰南遺昭五年

漢複姓九南宮氏

南史氏南鄉氏南門氏南野氏南郭子

綦南榮越南伯子察南公子六國時著書

言陰陽五行

南宮括有二周文王臣也孟懿子兄南宮縚一名适字子容謚敬叔魯人贈邾伯封襲丘侯讚曰先覺既位簪履並馳尚德君子巧乃兼之羿彘日慙禹稷可師三復此道詩白圭

南蒯衛大夫昭公十四年欲抑季氏強公室孔子見南子

南霽雲唐張巡守睢陽築壇募萬死生一之士喑鳴而來南霽雲也善騎射見賊百步內發矢應弦而殞及睢陽陷巡曰南八男兒死而死耳不可以不義

屈韓愈張睢陽後傳 子承嗣

南承嗣 肅宗以其父孔節官承嗣年七歲婺州別駕

施州涪州刺史承嗣奏請從軍討王承宗

柳子厚作送南涪州序唐

藍 東莞 藍諸中山大夫國策

汝南 藍采和神仙傳踏踏歌

藍 承 宋尚書郎

聃 魯衛毛聃 周公第聃季為司空定四年

聃啓周大夫

三 漢複姓五 楚三閭大夫 三烏群三烏大夫後

訖濤 三州孝子 三丘務蜀志

甘 丹陽 姓慕夏諸侯國周封王子帶於甘同姓畿

內諸侯甘昭公甘栢栢公漢複姓三 甘莊氏

甘士氏 甘先氏

甘盤商高宗舊學于甘盤 甘歆敗戎于邠垂春秋

文公七年

甘茂下蔡人秦使甘茂伐韓茂還息壤曰宜陽大縣其

實郡也今倍數險行千里攻之難魯人有曾參同

姓者殺人或告曾參母曰曾參殺人曾參母織自

若也告之者三人母投杼下機踰垣而走臣之賢

不及曾參王之信臣不如其母而疑臣者非止三

人臣恐大王之投杼也魏文侯令樂羊伐中山三

年拔之返而論功文侯示之謗書一篋樂羊再拜

曰非臣之功君之明也樗里子公孫奭挾韓而議

之王必聽之是王斯魏而臣受公仲侈之怨也王

與甘茂盟於息壤甘茂廢長封伐宜陽五月不拔

樗里子公孫奭果爭之王召罷兵茂曰息壤在彼
王益兵斬首六萬級拔宜陽

甘羅茂之孫年十二丞相府小史以呂不韋薦為上卿
太史公曰甘羅年少而出奇計為世策士後漢崔
駟云甘羅童牙面報趙

甘延壽字君况良家子善騎射為羽林郎試為期門奉
使西域拜都護斬郅支單于還以功封義成侯

西漢本傳

甘寧字興伯拜將軍建方畧禽黃祖破曹操兵于烏林
攻曹仁于南郡江表虎臣也性奢侈以繒錦維舟

三國吳志

甘忠可哀帝建平初年造天官曆 甘德石申有天文
星經故曰占星有甘石

甘卓字季思晉元帝授封南鄉侯進于湖侯元帝授卓
前鋒都督楊威將軍梁州刺史鎮襄陽西土感其
惠政初舉秀才察孝廉晉史

甘龍秦商鞅变法甘龍曰聖人不易民而教智者不更
法而治新序

甘蠅善射魏飛衛學射甘蠅紀昌學射於飛衛

甘戰字伯武以孝行聞晉亂伯武隱遁得道今豐城清
都觀其故壇政和二年五月誥封精行真人故宅
號華陽亭

許其真君十二中之一也

己集七卷

鹽 北海 魯國先賢傳 鹽津北海相

閻 太原 二族 周武王封太伯曾孫仲奕於閻鄉

周昭王少子生有文在手曰閻康王封之閻城

唐叔虞後晉成公子懿食采閻邑晉滅之是三閻

子孫散居河洛

閻嘉晉人春秋昭九年 閻職齊人

閻敖楚武王克權使閻敖尹之春秋莊十八年

閻章滎陽人漢明帝外戚拜尚書生暢侍中宜春侯生

三子 顯 景 晏 顯車騎將軍長社侯生穆

避難巴西東漢

閻憲漢州綿竹令邑有夜行獲錦者送詣縣官憲曰夜

行獲錦天賜也何以聞答曰縣有明府道不拾遺

私之則慙

閻溫字伯儉涼州別駕立忠三國魏志

閻甫魏武封平樂侯自巴西徙河南新安生璞牂柯太

守生瓚晉殿中將軍漢中太守生亨遼西太守生

鼎字玉鉉北平太守封安城侯死劉聰之難其子

昌奔馬邑其孫滿後魏大夫自馬邑徙河南孫善

龍驤將軍雲中鎮將居雲州生提車騎將軍生進

拜盛樂盛太守少子慶子仁度仕後周上柱國賜

大野氏隋復姓閻慶生毗北史

閻續字續伯事繼母孝博通墳典屢奏疏言事朝廷嘉

其忠節擢漢中太守慷慨好大節不護細行晉書

閻慶字仁度父進龍驤將軍慶善綏撫得士卒死力以

勲遷驃騎大將軍雲州寧州刺史子毗工書篆草

隸當世所賞北史

閻元伯行孝著詔旌表其門復其租庸調

閻慶胤敷城太守賑飢恤貧有美政

閻讓字立德京兆人唐武德年尚衣奉御製裘冕咸有

典則正觀初年拜將作大匠造浮海大航五百艘

征遼水

閻立本唐太宗泛春苑池見異禽容與上宴侍臣坐詠

詩召立本畫傳宣呼畫立本至伏池上磨丹吮粉

回首仰視朝臣侍宴坐詩甚慙時立本已為王爵

即中矣還家戒其子曰吾讀書不減諸臣徒以畫

名乃與私役等汝曹擇術不可不監慎勿學畫立

本應務俗材無宰相器識總章元年拜右丞相時

姜恪以立戰功拜左相京師語曰左相宣威沙漠

右相馳譽丹青唐本傳

閻朝隱張說稱其文如麗服靚粧燕歌趙舞觀者忘倦
比之風雅則罪人矣

閻伯嶼洪州都督刺史王勃滕王閣序都督閻公之雅
望宋

潛 何氏姓苑 潛有成宋登科 潛說友宋顯仕

詹 河間 周宣王支子封詹侯因賜姓詹 其後詹

父周大夫 春秋昭公九年

詹桓伯辭於晉 文十三年晉侯使詹嘉處

瑕以守桃林之塞

瑕嘉平戎 楚太卜詹尹見屈原卜居

詹何尹之後善釣引盈車之魚呂氏春秋曰中山公子
牟謂詹何身在江海心居魏闕言誘曰詹何古之

得道者也 詹公淮南子曰詹公釣千歲之鯉

詹洗唐福州侯官令生豪徒建州建陽生五子一居嚴

陵一居信州一居婺女其二留武夷唐朝肇御史

中丞沆侍御史 宋朝庠工部侍郎王隨女壻

範惠州太守與蘇子瞻交游見東坡集

詹升福建常平提舉

詹公薦靖康年守官京師一日張邦昌僭位公薦走詣
行在高宗召對曰卿忠臣也除太常丞宋

詹體仁開禧年司農卿 淵子景憲登慶元己未

進士第

詹梟字德寬登嘉泰壬戌進士第 其子甫登進士

第俱建陽人

詹駉字晉卿及溥熙進士第 儀之字體仁及第仕至

工部侍郎紹興府人

詹太和字甄老及政和進士第官水部郎淮南運使知撫州處州江州三郡太守皆何之裔

詹良臣嚴州人時方睦叛良臣罵賊死節其子大方官至簽書樞密末朝

廉 河東 姓纂顯帝曾孫大廉以王父子為氏

廉潔字庸衛人贈莒父侯贊曰兄弟之邦士有廉庸涵泳素敬表揭儒宗杏壇探賸洙泗從容作典一時

莒父斯封

廉頗趙將破齊破秦李牧藺相如並曰頗牧曰廉藺初與相如不協而藺下之頗肉袒負荊以謝遂為刎頸交趙拜為上卿以勇聞諸侯趙悼襄王立以武襄樂乘代將頗奔魏久之趙困於秦乃遣使視

廉頗頗對使者被甲上馬以示可用頗之仇郭開與趙使者金毀之遂不召楚迎之一為楚將無功卒於壽春互蘭姓見趙奢傳 廉丹漢大司馬

廉范字叔度漢明帝授雲中太守匈奴入寇范以少擊衆日暮范令軍中交縛兩炬三頭爇火營中星列匈奴疑漢援兵至驚遁范令軍中蓐食昧旦往斬首數百自相輜藉而死者千餘人匈奴遠遁不敢入雲中章帝拜范蜀郡太守成都初禁夜范令嚴蓄水除火禁百姓便之歌曰廉叔度來何暮不禁火民安作昔無襦今五袴 初范與慶鴻友時曰前管鮑後慶廉

嚴 會稽 姓纂羊氏楚莊王孫以王父謚為氏莊忌避漢諱改嚴忌生助

嚴助父忌稱夫子助舉賢良對策武帝擢中大夫會稽太守數年不聞問上賜書君厭承明之廬勞侍從之事懷故土會稽東接海南近越北枕大江間者闊焉久不聞問具以春秋對母以縱橫助上書謝

漢史

嚴安徐樂主父偃俱上書上召三人曰公等安在何相見之晚拜郎中以安為騎令

嚴彭祖字公子為公羊春秋博士專門教授拜太傅廉直不阿權貴或曰經義雖高不至宰相答曰通經書當修先王之道何可苟富貴贊曰蕭望之梁丘賀夏侯勝常玄成嚴彭祖尹更始以儒術進

春秋有嚴氏學 漢儒林傳

嚴延年字次鄉 涿郡河南太守拜御史大夫酷烈河

南為屠伯其母從東海來到洛陽見報囚大驚止都亭不入府責延年專沿千里不聞仁愛天道神明人不可獨殺母去歸歲餘果敗東海皆賢智其母稱萬石嚴姬延年兄弟五人俱二千石漢酷吏嚴遵字君平王褒揚雄三人文章妙天下賣卜成都市或人有邪謀休龜筮告之利害善惡與人子言依於孝與人弟言依於順與人臣言依於忠日得百錢足自養即閉肆下簾授學者

嚴詡陵陽人拜潁川太守徵拜美俗使者徙隴西太守

漢平帝紀

嚴光字陵子小字狂奴與劉文叔遊太學上即位光隱不仕上令物色訪之齊國言一男子披羊裘釣澤中三聘乃至司徒侯霸奉書光不答投札曰君房

足下位至鼎足懷仁輔義天子悅阿諛順旨要令
絕霸奏之上曰在奴故態也霸遣西曹侯子道奉
書光曰君房素痴子道曰位至台鼎不痴也光曰
卿言不痴是非痴語乎人主尚不見當見人臣乎
子道求報光曰授使者嫌少光曰賣菜乎求益也
上留共卧光足加帝腹太史奏客星犯御座故人
嚴子陵共卧耳拜諫議大夫不拜耕于富春山

嚴顏建安十九年諸葛亮張飛趙雲破巴郡獲嚴顏責
其不降顏曰卿等無狀侵奪我州但有斬頭將軍
無降將軍飛怒令左右牽去斫頭何慈耶容止不
變飛釋之引為賓客

嚴稜魏封邵陽侯自馮翊徙華陰

嚴道育宋文帝

紀

嚴植之梁武帝紀

明山賓沈峻嚴植之

五經博士

嚴浚字挺之華州進士制科義興尉稱材吏州刺史姚

崇異之引為拾遺睿宗賜輔挺之諫五不可開元
年考功郎進給事中典貢舉改濮汴二州刺史宰
相張九齡以為尚書左丞知吏部言蕭吳伏臘侍
郎乃出俗州刺史玄宗謂挺之材可用李林甫語
其弟損之給使稱疾林甫奏挺之疾欲閑官挺之
鬱鬱自為墓誌挺之交游許與生死不渝嫁故人
孤女數十人溺志于佛與浮屠患義友善君子以
為偏又與杜甫交游子武

嚴武字季膺母裴氏挺之厚其妻英時武八歲以鐵鎚

就英寢碎英首左右白即君戲殺英武曰故殺非
戲也安有大臣厚妾而薄妻者又曰真嚴挺之兒

敕其讀書擢成都府尹劍南節度使京兆尹最厚
杜甫與房瑄妻幾殺之武卒其母哭曰而今而後
免為官婢矣

嚴協律李白韓荆州書 嚴可求唐莊宗

嚴震 唐德時山南鎮將 五齊姓 嚴綬提之從孫

副劉贊宣歙團練使憲宗朝綬共平楊惠琳劉闢
之亂綬檢校尚書左僕射在鎮九年徙荆南節度
使歷三鎮奏辟至將相者九人初未貴 謁門鄉
斜李達李飯客不召及李達過并州晨謁綬方晏
客召達至而戒賓勿起以報之

嚴續位僕射學寡江文蔚作蟹賦曰外示多足內無一
腸口裡雌黃每失塗而相煦胷中戈甲徒恃衆以
橫行託韓希載撰父墓志求名譽以歌姬金白贈

之文成無一字及已求改韓返其贈寫一絕付姬
曰風柳搖搖無定枝陽臺雲雨楚中歸他年蓬島
音塵絕皆取尊前舊舞衣

黔

黔教齊飢黔教為食於路以待餓者禮記檀弓下

黔妻先生卒曾子哭曰何謚其妻曰以康為謚曾子曰

先生食不充口衣不蓋形死而手足不斂何樂於
此謚為康乎妻曰君曾欲授以政先生辭不受是有餘貴也君賜之粟三十鍾辭不受是有餘富也
先生甘天下淡味安天下卑位不戚戚貧賤不忻

忻富貴求仁得仁求義得義其謚曰康不亦宜乎

函 函熙漢豫章太守

咸 咸宣左內史

汜 燉煌 汜勝之漢人著種樹書 汜毓晉人

凡 汜雲將唐刑部郎 凡伯春秋以國氏

忌

已集第八卷全



